

忠義水滸傳卷之八十九

施耐菴集撰

羅貫中纂脩

第八十九回

宋公明破陣成功

宿太尉須臾降詔

詩曰

陣列混天排劍戟 四圍八面怪雲生  
分分曜宿當前現 朗朗明星直下橫  
黃鉞白旄風內舞 朱幡皂蓋陣中行  
若非玄女親傳法 邊塞焉能定太平

話說當下宋江夢中授得九天玄女之法不忘一句便請軍師  
吳用計議定了申稟趙樞密寨中合造雷車二十四部都用畫  
板鉄葉釘成下裝油柴上安火炮連更曉夜催併完成商議打

陣會集諸將人馬宋江傳令各各分派便點按中央戊巳土黃袍軍馬戰大遼水星陣內差大將一員雙鎗將董平左右撞破皂旗軍七門差副將七員朱仝史進歐鵬鄧飛燕順馬麟穆春再點按西方庚辛金白袍軍馬戰大遼木星陣內差大將一員豹子頭林冲左右撞破青旗軍七門差副將七員徐寧穆弘黃信孫立楊春陳達楊林再點按南方丙丁火紅袍軍馬戰大遼金星陣內差大將一員霹靂火秦明左右撞破白旗軍七門差副將七員劉唐雷橫單廷珪魏定國周通龔旺丁得孫再點按北方壬癸水黑袍軍馬戰大遼火星陣內差大將一員雙鞭呼延灼左右撞破紅旗軍七門差副將七員楊志索超韓滔彭玘孔明鄒淵鄒潤再點按東方甲乙木青袍軍馬戰大遼土星主將陣內差大將一員大刀關勝左右撞破申軍黃旗主陣人馬

差副將八員花榮張清李應柴進宣贊郝思文施恩薛永再差一枝綉旗花袍軍打大遼太陽左軍陣內差大將七員魯智深武松楊雄石秀焦挺湯隆蔡福再差一枝素袍銀甲軍打大遼太陰右軍陣中差大將七員扈三娘顧大嫂孫二娘王英孫新張青蔡慶再差打中軍一枝悍勇人馬直擒大遼國主差大將六員盧俊義燕青呂方郭盛解珍解寶再遣護送雷車至中軍大將五員李逵樊瑞鮑旭項充李衮其餘水軍頭領并應有人員盡到陣前協助破陣陣前還立五方旗幟八面分撥人員仍排九宮八卦陣勢宋江傳令已罷眾將各各遵依一面僂造雷車已了裝載法物推到陣前正是計就驚天地謀成破鬼神有詩為証

五行生尅本天成 化化生生自不停 玄女忽然傳法象

兀顏機陣一時平

且說兀顏統軍連日見宋江不出交戰差遣壓陣軍馬直哨到宋江寨前宋江連日製造完備選定日期是晚起身來與遼兵相接一字兒擺開陣勢前面盡把強弓硬弩射住陣脚只待天色傍晚黃昏左側只見朔風凜凜彤雲密布罩合天地未晚先黑宋江教眾軍人等斷蘆為笛銜於口中唢哨為號當夜先分出四路兵去只留黃袍軍擺在陣前這分出四路軍馬趕殺大遼哨路番軍繞陣脚而走殺投北去初更左側宋江軍中連珠砲響呼延灼打開陣門殺入後軍直取火星關勝隨即殺入中軍直取土星主將林冲引軍殺入左軍陣內直取木星秦明領軍撞入右軍陣內直取金星董平便調軍攻打頭陣直取水星公孫勝在陣中仗劍作法踏罡布斗勅起五雷是夜南風大作

吹的樹梢垂地走石飛沙雷公閃電一齊點起二十四部雷車李逵樊瑞鮑旭項充李衮將引五百牌手悍勇軍兵護送雷車推入大遼軍陣一丈青扈三娘引兵便打入遼兵太陰陣中花和尚魯智深引兵便打入遼兵太陽陣中玉麒麟盧俊義引領一枝軍馬隨着雷車直透中軍你我自去尋隊廝殺是夜雷車火起空中霹靂交加殺氣滿天走石飛沙端的是殺得星移斗轉日月無光鬼哭神號人兵撩亂且說兀顏統軍正在中軍遣將只聽得四下里喊聲大振四面廝殺急上馬時雷車已到中軍烈焰漲天砲聲震地關勝一枝軍馬早到帳前兀顏統軍急取方天畫戟與關勝大戰怎禁沒羽箭張清取石子望空中亂打打的四邊牙將中傷者多逃命散走李應柴進宣贊郝思文縱馬橫刀亂殺軍將兀顏統軍見身畔沒了羽翼撲回馬望北

而走關勝飛馬緊追正是饒君走上酸摩天脚下騰雲須赶上  
花榮在背後見兀顏統軍輸了一騎馬也追將來急拈弓搭箭  
望兀顏統軍射將去那箭正中兀顏統軍後心聽的錚地一聲  
火光迸散正射在護心鏡上却待再射關勝赶上提起青龍刀  
當頭便砍那兀顏統軍披着三重鎧甲貼裡一層連環鎖鐵鎧  
中間一重海獸皮甲外面方是鎖子黃金甲關勝那一刀砍過  
只透的兩層再復一刀兀顏統軍就刀影裡閃過勒馬挺方天  
戟來迎兩箇又聞到三五合花榮赶上觀兀顏統軍面門又放  
一箭兀顏統軍急躲那枝箭帶耳根穿住鳳翅金冠兀顏統軍  
急走張清飛馬赶上拈起石子望頭臉上便打石子飛去打的  
兀顏統軍撲在馬上拖着画戟而走關勝赶上再復一刀那青  
龍刀落處把兀顏統軍連腰截骨帶頭砍着擗下馬去花榮搶

先換了那疋好馬張清趕來再復一鎗可憐兀顏統軍一世

一柄刀一條鎗結果了性命堪嘆遼國英雄化作南柯一

事有詩為証

李靖六花人亦識 孔明八卦世應知 混天只想無人敵

也有神機打破時

却說魯智深引着武松等六員頭領衆將納聲喊殺入遼兵太  
陽陣內那耶律得重急待要走被武松一戒刀掠斷馬頭倒撞  
下馬來揪住頭髮一刀取了首級兩箇孩兒逃命走了殺散太  
陽陣勢魯智深道俺們再去中軍拏了大遼國主便是了事也  
且說遼兵太陰陣中天壽公主聽得四邊喊起廝殺慌忙整頓  
軍器上馬引女兵伺候只見一丈青舞起雙刀縱馬引着顧大  
嫂等六員頭領殺入帳來正與天壽公主交鋒兩箇陣無數合

一丈青放開雙刀搶入公主懷內匹胸揪住兩箇在馬上紐做一團絞做一塊王矮虎赶上活捉了天壽公主顧大嫂孫二娘在陣裏殺散女兵孫新張青蔡慶在外面夾攻可憐金枝玉葉如花女却作婦降被縛人且說盧俊義引兵殺到中軍解珍解寶先把帥字旗砍翻亂殺番官番將當有護駕大臣與衆多牙將緊護大遼國主鑾駕往北而走送入幽州陣內羅暎月字二皇姪俱被刺死於馬下計都皇姪就馬上活拿了紫炁皇姪不知去向大兵重重圍住直殺到四更方息殺的遼兵二十餘萬不留一箇將及天明諸將都回宋江鳴金收軍下寨傳令教生擒活捉之衆各自獻功一丈青獻太陰星天壽公主盧俊義獻計都星皇姪耶律得華朱仝獻水星曲利出清歐鵬鄧飛馬麟獻斗木獬蕭大觀楊林陳達獻心月狐裴直單廷珪魏定國獻

土雉高彪韓滔彭玘獻柳土獐雷春翼火蛇狄聖諸將獻首級又計其數宋江將生擒八將盡行解赴趙樞密中軍收禁所馬疋就行俵撥各將騎坐且說大遼國主慌速退入幽州行營歇下急傳聖旨堅閉四門緊守城池不出對敵宋江知得大遼國主退在幽州便教軍馬把幽州團團圍住令人請趙樞密直至後營監臨打城宋江傳令教就幽州城外團團豎起雲梯砲石扎下寨柵準備打城遼國郎主心慌會集羣臣商議都道事在危急莫若歸降大宋此為上計大遼郎主遂從衆議於是城上早豎起降旗差人來宋營求告年年進牛馬歲歲獻珠玑再不敢侵犯中國宋江引着來人直到後營拜見趙樞密通說投降一節年年進貢歲歲來朝趙樞密聽了道此乃國家大事投降之事須用取自上裁我未敢擅便主張你遼國有心投降

可差的當大臣親赴東京朝見天子聖旨准你遼國皈降表文  
降詔赦罪方敢退兵罷戰趙樞密回了這話來人便回幽州回  
樞密郎主奏知此事當下國主聚集文武百官商議此事時有右  
丞相太師褚堅出班奏曰目今郎主兵微將寡人馬皆無如何  
迎敵在於危急之際論臣愚意可多把金帛賄賂以結人心微  
臣親往宋先鋒寨內重許厚禮一面令其住兵停戰免的攻城  
一面收拾禮物送往東京投買省院諸官令其於天子之前善  
言啓奏別作宛轉目今中國蔡京童貫高俅楊戩四箇賊臣專  
權童子皇帝聽他四箇主張可把金帛賄賂與此四人買其講  
和必降詔赦收兵罷戰郎主准奏次日丞相褚堅出幽州城來  
直到宋先鋒寨中宋江接至帳上便問丞相來意如何褚堅先  
說了國主投降一事然後許宋先鋒金帛玩好之物宋江聽了

說與丞相褚堅道俺連日攻城不愁打你這箇城池不破一簇  
斬草除根免了萌芽再發看見你城上豎起降旗以此停兵罷  
戰兩國交鋒自古國家有投降之理准你投拜納降因此按兵  
不動容汝赴朝廷請罪獻納汝今以賄賂相許觀宋江為何等  
之人再勿復言褚堅惶恐宋江又道丞相容汝上國朝京取自  
上裁俺等按兵不動待汝速去快來汝勿遲滯褚堅拜謝了宋  
先鋒作別出寨上馬回幽州城來直至行營奏知國主眾大臣  
商議已定次日遼國君臣收拾玩好之物金銀寶貝綵繒珍珠  
裝載上車差丞相褚堅并同番官一十五員前往京師鞍馬三  
十餘騎修下請罪表章一道離了幽州到宋江寨內參見了宋  
江宋江引褚堅來見趙樞密說知此事遼國今差丞相褚堅親  
赴京師朝見告罪投降趙樞密留住褚堅以禮相待自來與宋

文書商議亦動文書申達天子就差柴進蕭讓賚奏就帶行軍  
公文關會省院一同相伴丞相褚堅前往東京於路無話有詩  
為証

戰敗遼兵不自由 便書降表上皇州 謙恭已布朝宗義

刺水殘山秋漠漠 荒城破郭月悠悠

金珠滿載為忱質 水滸英雄志已酬

路不止一日早到京師便將十車進奉金寶禮物車仗人馬  
館驛內安下柴進蕭讓賚捧行軍公文先去省院下了稟說  
即日兵馬圍困幽州旦夕可破遼國郎主於城上豎起降旗  
丞相褚堅前來上表請罪納降告赦罷兵未敢自專來請  
省院官說道你且與他館驛內權時安歇待俺這裡從長  
此時蔡京童貫高俅楊戩并省院大小官僚都是好利之

徒却說大遼丞相褚堅并眾人先尋門路見了太師蔡京等四  
箇大臣次後省院各官處都有賄賂各各先以門路餽送禮物  
諸官已了次日早朝大宋天子陞殿百官朝賀拜舞已畢樞密  
使童貫出班奏曰有先鋒使宋江殺退遼兵直至幽州臨敵圍  
住城池攻擊旦夕可破今有大遼國主早豎降旗情願投降遣  
使丞相褚堅奉表稱臣納降請罪告赦講和求赦退兵罷戰情  
愿年年進奉不敢有違臣等省院不敢自專伏乞聖鑑天子曰  
似此講和休兵罷戰仍存本國汝等眾卿如何計議倘有太師  
蔡京出班奏曰臣等眾官俱各計議自古及今四夷未嘗盡滅  
臣等愚意可存遼國作北方之屏障堪為唇齒之邦年年進納  
歲幣於國有益合准投降請罪休兵罷戰詔回軍馬以護京師  
臣等未敢擅便乞陛下聖鑑天子准奏傳聖旨令遼國來使面

君當有殿頭官傳令宣褚堅等一行來使都到金殿之下揚塵  
拜舞頓首山呼侍臣呈上表章就御案上展開宣表學士高聲  
讀道

大遼國主臣耶律輝頓首頓首百拜上言

臣生居朔漠長在蕃邦不通聖賢之大經罔究經常之大禮  
詐文偽武左右多狠心狗行之徒好賂貪財前後悉鼠目獐  
頭之輩小臣昏昧屯眾猖狂侵犯疆封以致天兵而討罪妄  
驅士馬勤勞王室以興師量螻蟻之不足以撼泰山想眾水必  
然歸于大海念臣等雖守數座之荒城應無半年之積蓄今  
特遣使臣褚堅冒干天威納質請罪倘蒙聖上憐憫蕞爾之  
微生不廢祖宗之遺業是以銘心刻骨瀝膽披肝永為戎狄  
之番邦實作天朝之屏翰老老幼幼真獲再生子子孫孫久

遠感戴進納歲幣誓不敢違臣等不勝戰慄屏營之至誠惶  
誠恐稽首頓首謹上表以聞

宣和四年冬月

日大遼國主臣耶律輝表

徽宗天子御覽表文已畢階下羣臣稱善天子命取御酒以賜  
來使丞相褚堅等便取金帛歲幣進在朝前天子命寶藏庫收  
訖仍另納下每年歲幣牛馬等物天子回賜段疋表裡光祿寺  
賜宴勅令丞相褚堅等先回待寡人差官自來降詔褚堅等謝  
恩拜辭天子出朝且歸館驛是日朝散褚堅又令人再於各官  
門下重打關節蔡京力許令丞相自回都在我等四人身身上褚  
堅謝了太師自回遼國去了却說蔡太師次日引百官入朝啓  
奏降詔回下遼國天子准奏急勅翰林學士草詔一道就御前  
便差太尉宿元景齎擎丹詔直往遼國開讀另勅趙樞密令宋



先鋒收兵罷戰班師回京將應有被擒之人釋放還國原奪城池仍舊給還管領府庫器具交割遼邦歸管天子朝退百官皆散次日省院諸官都到宿太尉府約日送行再說宿太尉領了詔勅不敢久停君命唯備轎馬從人辭了天子別了省院諸官就同柴進蕭讓同上遼邦出京師望陳橋驛投邊塞進發在路行時正值嚴冬之月四野彤雲密布分揚雪墜平鋪粉塑千林銀裝萬里宿太尉一行人馬冒雪攆風迤邐前進正是雲橫秦嶺家何在雪擁藍關馬不前有詩為証

太尉承宣不敢停 遠賚恩詔到邊庭 皚皚積雪關山路

卉服雕題逐使星

雪霽未消漸臨邊塞柴進蕭讓先使哨馬報知趙樞密前去通報宋先鋒宋江見哨馬飛報便携酒禮引衆出五十里伏道迎

接接着宿太尉相見已畢把了接風酒各官俱喜請至寨中設筵相待同議朝廷之事宿太尉言說省院等官蔡京童貫高俅楊戩俱各受了遼國賄賂於天子前極力保奏此事准其投降休兵罷戰詔回軍馬守備京師宋江聽了嘆道非是宋某怨望朝廷功勳至此又成虛度宿太尉道先鋒休憂元景回朝天子前必當重保趙樞密又道放着下官為証怎肯教虛費了將軍大功宋江稟道某等一百八人竭力報國並無異心亦無希恩望賜之念只得衆弟兄同守勞苦實為幸甚若得樞相肯做主張深感厚德當日飲宴衆皆歡喜至晚席散隨即差人一面報知大遼國主準備接詔次日宋江撥十員大將護送宿太尉進遼國須詔都是錦袍金甲戎裝革帶那十員上將關勝林冲秦明呼延灼花榮董平李應柴進呂方郭盛引領馬步軍三千護

持太尉前遮後擁擺布入城幽州百姓排門香花燈燭大遼國主親引百官文武具服乘馬出南門迎接詔旨直至行宮金鑾殿上十員大將立於左右宿太尉立于龍亭之左國主同百官跪于殿前殿頭官喝拜國主同文武拜罷遼國侍郎承恩請詔就殿上開讀詔曰

大宋皇帝制曰三皇立位五帝禪宗無君子莫治野人無野人莫養君子雖中華而有主焉夷狄豈無君茲爾遼國不遵天命數犯疆封理合一鼓而滅朕今覽其情詞憐其哀切憫汝惇孤不忍加誅仍存其國詔書至日即將軍前所擒之將盡數釋放還國原奪一應城池仍舊給還遼國管領所供歲幣慎勿怠忽於戲敬事大國祗畏天地此藩翰之職也爾其欽哉故茲詔示想宜知悉

宣和四年冬月

日

當時遼國侍郎開讀詔旨已罷郎主與百官再拜謝恩行君臣禮畢擡過詔書龍案郎主便與宿太尉相見叙禮已畢請入後殿大設華筵水陸俱備番官進酒戎將傳盃歌舞滿筵胡笳聒耳燕姬美女各奏戎樂羯鼓塤箎胡旋慢舞筵宴已終送宿太尉并眾將於館驛內安歇是日跟去人員都有賞勞次日國主命丞相褚堅出城至寨邀請趙樞密宋先鋒同入幽州赴宴宋江便與軍師吳用計議不行只請的趙樞密入城相陪宿太尉飲宴是日遼國郎主大張筵席管待朝使葡萄酒熟傾銀瓮黃羊肉美滿金盤異果堆筵奇花散彩筵席將終只見國主金盤捧出玩好之物上獻宿太尉趙樞密直飲至更深方散筵三日大遼國主會集文武羣臣番戎鼓樂送太尉樞密出城還寨再

命丞相褚堅將牛羊馬疋金銀綵段等項禮物直至宋先鋒軍前寨內大設廣會犒勞三軍重賞眾將宋江傳令叫取天壽公主一千人口放回本國仍將奪過檀州薊州霸州幽州依舊給還大遼管領一面先送宿太尉還京次後收拾諸將軍兵車仗人馬分撥人員先發中軍軍馬護送趙樞密起行宋先鋒寨內自己設宴一面賞勞水軍頭目已了着令乘駕舡隻從水路先回東京駐扎聽調宋江再使人入幽州請出左右二丞相前赴軍中說話當下遼國郎主教左丞相幽西孛瑾右丞相太師褚堅來至宋先鋒行營至於中軍相見宋江邀請上帳分賓而坐宋江開話道俺武將兵臨城下將至壕邊奇功在邇本不容汝投降打破城池盡皆勦滅正當其理主帥聽從容汝申達朝廷皇上憐憫存惻隱之心不肯盡情追殺如此容汝投降納表請罪今獲大全吾待朝京汝等勿以宋江等輩不能勝爾休生反復年年進貢不可有缺吾今班師還國汝宜謹慎自守休得故犯天兵再至決無輕恕二丞相叩首伏罪拜謝宋江再用好言戒諭二丞相懇謝而去宋江却撥一隊軍兵與女將一丈青等先行隨即喚令隨軍石匠採石為碑令蕭讓作文以記其事金大堅鐫石已畢堅立在永清縣東一十五里茅山之下至今古跡尚存有詩為証

偽遼歸順已知天

納幣稱臣自歲年

勒石鐫銘表功蹟

頡頏銅柱及燕然

宋江却將軍馬分作五起進發尅日起行只見魯智深忽到帳前合掌作禮對宋江道小弟自從打死了鎮關西逃走到代州鴈門縣趙員外送洒家上五臺山投禮智真長老落髮為僧不

想醉後兩番鬧了禪門有亂清規師父送俺來東京大相國寺  
投托智清禪師討箇執事僧做相國寺裡着洒家看守菜園為  
救林冲被高太尉要害因此落草得遇哥哥隨後多時已經數  
載思念本師一向不曾忝禮洒家常想師父說俺雖是殺人放  
火的性久後却得正果真身今日太平無事兄弟權時告假數  
日欲往五臺山參禮本師就将平昔所得金帛之資都做布施  
再求問師父前程如何哥哥軍馬只顧前行小弟隨後便趕來  
也宋江聽罷愕然默上心來便道你既有這箇活佛羅漢在彼  
何不早說與俺等同去參禮求問前程當時與眾人商議盡皆  
要去惟有公孫勝道教不行宋江再與軍師計議留下金大堅  
皇甫端蕭讓樂和四箇委同副先鋒盧俊義掌管軍馬陸續先  
行俺們只帶一千來人隨後衆弟兄跟着魯智深同去參禮智  
真長老魯智深見宋江說要去參禪便道願從哥哥同往宋江  
等衆當時離了軍前收拾名香綵帛表裡金銀上五臺山來正  
是暫弃金戈甲馬來遊方外叢林雨花臺畔來訪道德高僧善  
法堂前要見燃燈古佛直教一語打開名利路片言踢透死生  
關畢竟宋江與魯智深怎地參禪且聽下回分解

忠義水滸傳卷之九十

施耐菴集撰

羅貫中纂脩

第九十回

五臺山宋江叅禪

雙林渡燕青射鴈

詩曰

韓文叅大顛 東坡訪王泉 僧來白馬寺 經到赤烏年

葉葉風中樹 重重火裏蓮 無塵心鏡淨 只此是金仙

原來五臺山這箇智真長老是故宋時一箇當世的活佛知得  
過去未來之事數載之前已知魯智深是箇了身達命之人只  
是俗緣未盡要還殺生之債因此教他來塵世中走這一遭本  
人宿根還有道心今日起這箇念頭要來叅禪投禮本師宋公

明亦是素有善心時刻點悟因此要同魯智深來參智真長老當時衆弟兄亦要同往宋江難以阻當就與軍師衆皆計議只除公孫勝道教外可委副先鋒掌管軍馬四哨無人可差金大堅皇甫端蕭讓樂和一同盧俊義管領大隊軍馬陸續前進宋江與衆將只帶一千人馬同魯智深來到五臺山下就將人馬屯扎下營先使人上山報知宋江等衆弟兄都脫去戎裝慣帶各穿隨身錦綉戰袍步行上山轉到山門外只聽寺內撞鐘擊鼓衆僧出來迎接向前與宋江魯智深等施了禮數內有認的魯智深的多又見齊齊整整百餘箇頭領跟着宋江盡皆驚羨不已堂頭首座來稟宋江道長老坐禪入定之際不能相接將軍切勿見罪恕責則箇遂請宋江等先去知客寮內少坐供茶罷侍者出來請道長老禪定方回已在方丈專候啓請將

進來宋江等一行百餘人直到方丈來參智真長老那長老慌忙降階而接邀至上堂各施禮罷宋江看那和尚時六旬之上眉髮盡白骨格清竒儼然有天台方廣出山之相衆人入進方丈之中宋江便請智真長老上座焚香禮拜一行衆將都已拜罷魯智深向前插香禮拜智真長老道徒弟一去數年殺人放火不易魯智深默默無言宋江向前道久聞長老清德爭耐俗緣淺薄無路拜見尊顏今因奉詔破遼到此得以拜見堂頭大和尚平生萬幸智深和尚與宋江做兄弟時雖是殺人放火忠心不害良善善心常在今引宋江等衆弟兄來參大師智真長老道常有高僧到此亦曾閑論世事循環久聞將軍替天行道忠義於心深知衆將義氣為重吾弟子智深跟着將軍豈有差錯宋江稱謝不已有詩為証

謀財致命兇心重 放火屠城惡行多 忽地尋思念頭起

五臺山上禮彌陀

魯智深將出一包金銀綵段來供獻本師智真長老道吾弟子此物何處得來無義錢財決不敢受智深稟道弟子累經功賞積聚之物弟子無用特地將來獻納本師以充公用長老道衆亦難消與汝置經一歲消滅罪惡早登善果魯智深拜謝已了宋江亦取金銀綵段上獻智真長老長老堅執不受宋江稟說我師不納可令庫司辦齋供獻本寺僧衆當日就五臺山寺中宿歇一宵長老設素齋相待不在話下且說次日庫司辦齋完備五臺寺中法堂上鳴鐘擊鼓智真長老會集衆僧於法堂上講法叅禪須臾合寺衆僧都披袈裟坐具到於法堂中坐下宋江魯智深并衆頭領立於兩邊引磬響處兩碗紅紗燈籠引長

老上陞法座智真長老到法座上先拈信香祝讚道此一炷香伏願今上天子萬歲萬萬歲皇后齊肩太子千秋金枝茂盛玉葉光輝文武官僚同增祿位天下太平萬民樂業再拈信香一炷願今齋主身心安樂壽筭延長日轉千階名垂萬載再拈信香一炷願今國安民泰歲稔年和五穀豐登三教興隆四方寧靜諸事禎祥萬事如意祝讚已罷就法座而坐兩下衆僧打罷問訊復皆侍立宋江向前拈香禮拜畢合掌近前叅禪道某有一語敢問吾師智真長老道有何法語要問老僧宋江向前道請問吾師浮世光陰有限苦海無邊人身至微生死最大特來請問於禪師智真長老便答偈曰

六根束縛多年四大牽纏已久堪嗟石火光中翻了幾箇筋斗喫閻浮世界諸衆生泥沙堆裡頻哮吼

長老說偈已畢宋江禮拜侍立眾將都向前拈香禮拜設誓道  
只愿弟兄同生同死世世相逢焚香已罷眾僧皆退就請去雲  
堂內請齋眾人齋罷宋江與魯智深跟随長老來到方丈內至  
晚閒話間宋江求問長老道弟子與魯智深本欲從師數日指  
示愚迷但以統領大軍不敢久戀我師語錄實不省悟今者拜  
辭還京某等眾弟兄此去前程如何萬望吾師明彰點化智真  
長老命取紙筆寫出四句偈語

當風鴈影翩 東闕不團圓 隻眼功勞足 雙林福壽全

寫畢遞與宋江道此是將軍一生之事可以秘藏久而必應宋  
江看了不曉其意又對長老道弟子愚意不悟法語乞吾師明  
白開解以釋某心前程凶吉智真長老道此乃禪機隱語汝宜  
自叅不可明說恐泄天機長老說罷喚過智深近前道吾弟子

此去與汝前程永別正果將臨也與汝四句偈去收取終身受

用偈曰

逢夏而擒

遇臘而執

聽潮而圓

見信而寂

魯智深拜受偈語讀了數遍藏於身邊拜謝本師智真長老道  
吾弟子記取其言休忘了本來面目說罷又歇了一宵次日宋  
江魯智深并吳用等眾頭領辭別長老下山眾人便出寺來智  
真長老并眾僧都送出山門外作別不說長老眾僧回寺且說  
宋江等眾將下到五臺山下引起軍馬星火趕來眾將回到軍  
前盧俊義公孫勝等接着宋江眾將都相見了宋江便對盧俊  
義等說五臺山眾人叅禪設誓一事將出禪語與盧俊義公孫  
勝看了皆不曉其意蕭讓道禪機法語等閒如何省的眾皆嗟  
呀不已宋江傳令催趲軍馬起程眾將得令催起三軍人馬望



東京進發在路行了數日五軍前進到一箇去處地名雙林渡  
宋江在馬上正行之間仰觀天上見空中數行塞鴈不依次序  
高低亂飛都有驚鳴之意宋江見了心疑作怪又聽的前軍喝  
采使人去問緣由飛馬回報原來是浪子燕青初學弓箭向空  
中射鴈箭箭不空却纔須臾之間射下十數隻鴻鴈因此諸將  
驚訝不已宋江教喚燕青飛馬前來這燕青頭戴着白范陽遮  
塵毡笠兒身穿着鶯黃紵絲袖襖騎一疋五明紅沙馬彎弓插  
箭飛馬而來背後馬上捎帶死鴈數隻來見宋江下馬離鞍立  
在一邊宋公明問道恰纔你射鴈來燕青答道小弟初學弓箭  
見空中羣鴈而來無意射之不想箭箭皆中誤射了十數隻鴈  
宋江道為軍的人學射弓箭是本等的事射的親是你能處我  
想賓鴻避暑寒離了天山銜蘆度關趁江南地暖求食稻梁初

春方回此賓鴻仁義之禽或數十或三五十隻遞相謙讓尊者  
在前卑者在後次序而飛不越羣伴遇晚宿歇亦有當更之報  
且雄失其雌雌失其雄至死不配不失其意此禽仁義禮智信  
五常俱備空中遙見死鴈盡有哀鳴之意失伴孤鴈并無侵犯  
此為仁也一失雌雄死而不配此為義也依次而飛不越前後  
此為禮也預避鷹鷂銜蘆過關此為智也秋南春北不越而來  
此為信也此禽五常足備之物豈忍害之天上一羣鴻鴈相呼  
而過正如我等弟兄一般你却射了那數隻比俺弟兄中失了  
幾箇衆人心內如何兄弟今後不可害此禮義之禽燕青默默  
無語悔罪不及宋江有感于心在馬上口占一首詩道

山嶺崎嶇水渺茫 橫空鴈陣兩三行 忽然失却雙飛伴  
月冷風清也斷腸

宋江吟詩罷不覺自己心中淒慘觀物傷情當晚屯兵於雙林  
渡口宋江在帳中因復感嘆燕青射鴈之事心中納悶叫取過  
紙筆作詞一首

楚天空闊鴈離群萬里恍然驚散自顧影欲下寒塘正草枯  
沙淨水平天遠寫不成書只寄的相思一點暮日空濛曉烟  
古壑訴不盡許多哀怨揀盡蘆花無處宿嘆何時玉關重見  
嘹唳憂愁嗚咽恨江渚難留戀請觀他春晝歸來盡梁雙燕  
宋江寫畢遞與吳用公孫勝看詞中之意甚是有悲哀憂戚之  
思宋江心中鬱鬱不樂當夜吳用等設酒備肴飲酌盡醉方休  
次早天明俱各上馬望南而行路上行程正值暮冬景物淒涼  
宋江於路此心終有所感不則一日回到京師屯駐軍馬於陳  
橋驛聽候聖旨且說先是宿太尉并趙樞密中軍人馬入城宿

太尉趙樞密將宋江等功勞奏聞天子報說宋先鋒等諸將兵  
馬班師回京已到關外趙樞密前來啓奏天子說宋江等諸將  
邊庭勞苦之事天子聞奏大加稱贊就傳聖旨命黃門侍郎宣  
宋江等面君朝見都教披掛入城且說宋江等衆將屯駐軍馬  
在於陳橋驛聽候宣詔入朝黃門侍郎傳旨教宋江等衆將一  
百八員都要本身披掛戎裝革帶頂盔掛甲身穿錦襖懸帶金  
銀牌面從東華門而入都至文德殿朝見天子拜舞起居山呼  
萬歲皇上看了宋江等衆將英雄盡是錦袍金帶惟有吳用公  
孫勝魯智深武松身着本身服色天子聖意大喜乃曰寡人多  
知卿等征進勞苦邊塞用心中傷者多寡人甚為憂戚宋江再  
拜奏曰皆托聖上洪福齊天邊庭寧息臣等衆將雖有金傷俱  
各無事今已沙塞投降實陛下仁育之賜再拜稱謝天子特命

省院等官計議封爵太師蔡京樞密童貫商議奏道方今四邊未寧不可陞遷且加宋江為保義郎帶御器械正受皇城使副先鋒盧俊義加為宣武郎帶御器械行營團練使吳用等三十四員加封為正將軍朱武等七十二員加封為偏將軍支給金銀賞賜三軍人等天子准奏仍敕與省院眾官加封爵祿與宋江等支給賞賜宋江等就於文德殿頓首謝恩天子命光祿寺大設御宴怎見的好宴但見

香焚寶鼎花插金瓶掛蝦鬚織錦簾櫳懸翡翠銷金帳幙武英宮裏屏幃盡舞鶴飛鸞文德殿中御座描盤龍走鳳屏開孔雀列華筵君臣共樂禔隱芙蓉設御宴文武同歡珊瑚碟仙桃異果玳瑁盤鳳髓龍肝鱗鱗膾切銀絲細細茶烹玉蕊七珍嵌筋好似碧玉琉璃八寶裝匙有如紅絲瑪瑙玻璃碗

滿泛馬乳羊羔琥珀盃淺酌瑤池玉液合殿金花翠葉滿筵錦綉綺羅仙音院聽唱新詞教坊司吹彈歌曲幾多食味烹金鼎無限香醪瀉玉壺黃金殿上君王親賜紫霞盃白玉階前臣子承恩沾御酒將軍邊塞久勞心今日班師朝聖主佳人齊賀昇平曲畫鼓頻敲得勝回

當日天子親賜御宴已罷欽賞宋江錦袍一領金甲一副名馬一疋盧俊義等賞賜盡於內府關支宋江與眾將謝恩已罷盡出宮禁都到西華門外上馬回營一行眾將出的城來直至行營安歇聽候朝廷委用次日只見公孫勝直至行營中軍帳內與宋江等眾人打了稽首便稟宋江道向日本師羅真人囑付小道已曾預稟仁兄令小道送兄長還京師畢日便回山中學道今日兄長功成名遂貧道亦難久處就今拜別仁兄辭了眾

位即今日便歸山中從師學道侍養老母以終天年宋江見公孫勝說起前言不敢翻悔潸然淚下便對公孫勝道我想昔日弟兄相聚如花方開今日弟兄分別如花零落吾雖不敢負汝前言之心豈忍分別公孫勝道若是小道半途撒了仁兄便是貧道之情薄意今來仁兄功成名遂此去非貧道所趨仁兄只得曲允宋江再四挽留不住便乃設一筵宴令眾弟兄相別筵上舉盃眾皆嘆息人人洒淚各以金帛相贖公孫勝推卻不受眾弟兄只顧打拴在包裡次日眾皆相別公孫勝穿上麻鞋背了包裹打箇稽首望北登程去了宋江連日思憶淚如雨下鬱鬱不樂有詩為証

數年相與建奇功 幹運玄機妙莫窮 一旦浩然思舊隱 飄然長往入山中

時下又值正旦節相近諸官準備朝賀蔡太師恐宋江人等都來朝賀天子見之必當重用隨即奏聞天子降下聖旨使人當住只教宋江盧俊義兩箇有職人員隨班朝賀其餘出征官員俱係白身恐有驚御盡皆免禮是日正旦天子設朝百官朝賀宋江盧俊義俱各公服都在待漏院伺候早朝隨班行禮天子殿上簇繡玉帶文武大臣是日駕坐紫宸殿受百官朝罷宋江盧俊義隨班拜罷於兩班侍下不能上殿仰觀殿上玉簪珠履紫綬金章從來稱觴獻壽自天明直至午牌方始得沾謝恩御酒百官朝散天子駕起宋江盧俊義出內卸了公服幞頭上馬回營面有愁顏赧色吳用等接着眾將見宋江面帶憂容心悶不樂都來賀節百餘人拜罷立於兩邊宋江低首不語吳用問道兄長今日朝賀天子回來何以愁悶宋江嘆口氣道想我生

來八字淺薄年命蹇滯破遠受了許多勞苦今日連累眾弟兄無功我自職小官微因此愁悶吳用荅道兄長既知造化未通何故不樂萬事分定不必多憂黑旋風李逵道哥哥好沒尋思當初在梁山泊裡不受一箇的氣却今日也要招安明日也要招安計得招安了却惹煩惱放着兄弟們都在這里再上梁山泊去却不快活宋江大喝道這黑禽獸又來無禮如今做了國家臣子都是朝廷良臣你這厮不省得道理反心尚兀自未除李逵又應道哥哥不聽我說明朝有的氣受里眾人都笑且捧酒與宋江添壽是日只飲到二更各自散了次日引十數騎馬入城到宿太尉趙樞密并省院官各處賀節往來城中觀看者甚眾就裡有人對蔡京說知此事次日奏過天子傳旨教省院出榜禁約於各城門上張掛但凡一應有出征官員將軍頭目

許於城外下營屯扎聽候調遣非奉上司明文呼喚不許擅自入城如違定依軍令擬罪施行差人賞榜迤來陳橋門外張掛榜文有人看了迤來報知宋江宋江轉添愁悶眾將得知亦皆焦燥盡有反心只得宋江一箇有詩為証

聖王為治本無差 胡越從來自一家 何事憚人行謬計

不容忠義入京華

且說水軍頭領特地來請軍師吳用商議事務吳用去到船中見了李俊張橫張順阮家三昆仲俱對軍師說道朝廷失信奸臣弄權閉塞賢路俺哥哥破了大遼止得箇皇城使做又未曾陞賞我等眾人如今倒出榜文來禁約我等不許入城我想那夥奸臣漸漸的待要拆散我們弟兄各調開去今請軍師自做箇主張和哥哥商量斷然不肯就這里殺將起來把東京劫掠

一空再回梁山泊去只是落草倒好吳用道宋公明兄長斷然不肯你眾人枉費了力箭頭不發勢折箭桿自古蛇無頭而不行我如何敢自主張這話須是哥哥肯時方纔行得他若不肯做主張你們要反也反不出去六箇水軍頭領見吳用不敢主張都做聲不得吳用回至中軍寨中來與宋江閑話計較軍情便道仁兄往常千自由百自在衆多弟兄亦皆快活今來授了招安為國家臣子不想倒受拘束不能任用弟兄們都有怨心宋江聽罷失驚道莫不誰在你行說甚來吳用道此是人之常情更待多說古人云富與貴人之所欲貧與賤人之所惡觀形察色見貌知情宋江道軍師若是有弟兄們但要異心我當死於九泉忠心不改次日早起會集諸將商議軍機大小人等都到帳前宋江開話道俺是鄆城小吏出身又犯大罪托賴你衆弟兄扶持尊我為頭今日得為臣子自古道成人不自在自在不成人雖然朝廷出榜禁治理合如此汝諸將士無故不得入城我等山間林下鹵莽軍漢極多倘或因而惹事必然以法治罪却又壞了聲名如今不許我等入城去倒是幸事你們衆人苦嫌拘束但有異心先當斬我首級然後你們自去行事不然吾亦無顏居世必當自刎而死一任你們自為衆人聽了宋江之言俱各垂淚設誓而散有詩為証

堪羨公明志操堅 矢心忠鯁少歌偏 不知當日秦長脚  
可愧黃泉自刎言

宋江諸將自此之後無事也不入城看看上元節至東京年例大張燈火慶賞元宵諸路盡做燈火於各衙門點放且說宋江營內浪子燕青自與樂和商議如今東京點放華燈火戲慶賞

豐年今上天子與民同樂我兩箇更換此衣服潛地入城看了  
便回只見有人說道你們看燈也帶挈我則箇燕青看見却是  
黑旋風李逵李逵道你們瞞着我商量看燈我已聽了多時燕  
青道和你去不打緊只吃你性子不好必要惹出事來見今省  
院出榜禁治我們不許入城倘或和你入城去看燈惹出事端  
正中了他省院之計李逵道我今番再不惹事便了都依着你  
行燕青道明日換了衣巾都打扮做客入城去不期樂和替  
逵大喜次日都打扮做客人伺候燕青同入城去不期樂和替  
與時遷先入城去了燕青酒脫不開只得和李逵入城看燈不  
敢從陳橋門入去大寬轉却從封丘門入城兩箇手厮挽着正  
投桑家瓦來來到瓦子前聽的拘欄內鑼響李逵定要入去燕  
青只得和他挨在人叢裡聽的上面說評話正說三國志說到

雲長刮骨療毒當時有雲長左臂中箭箭毒入骨醫人華陀  
道若要此疾毒消可立一銅柱上置鐵環將臂膊穿將過去用  
索拴牢割開皮肉去骨三分除却箭毒却用油線縫攤外用敷  
藥貼了內用長托之劑不過半月可以平復如初因此極難治  
蔡關公大笑道大丈夫死生不懼何況隻手不用銅柱鐵環只  
此便到何妨隨即叫取蒸盤與客奕棋伸起左臂命華佗刮骨  
取毒面不改色對客談笑自若正說到這里李逵在人叢中高  
叫道這箇正是好男子眾人失驚都看李逵燕青慌忙攔道李  
大哥你怎地好村拘欄瓦舍如何使的大驚小怪這等叫李逵  
道說到這里不由人不喝采燕青拖了李逵便走兩箇離了桑  
家瓦轉過串道只見一箇漢子飛磚擲瓦去打一戶人家那人  
道這清平世界蕩蕩乾坤散了二次不肯還錢顛倒打我屋裡

風聽了路見不平便要去勸燕青務死抱住李逵睜着雙  
眼要和他厮打的意思那漢子便道俺自和他有帳討錢干你  
若事即日要跟張招討下江南出征去你休惹我到那里去也  
是死要打便和你厮打死在這里也得一口好棺材李逵道却  
大甚麼下江南不曾聽的點軍調將燕青且勸開了兩箇厮  
坐着轉出串道離了小巷見一箇小小茶肆兩箇人去裡面尋  
他座頭坐了吃茶對席有箇老者便請會茶開口論閑話燕青  
這請問丈丈却纔巷口一箇軍漢厮打他說道要跟張招討下  
江南早晚要去出征請問端的那里去出征那老人道客人原  
來不知如今江南草寇方臘反了占了八州二十五縣從睦州  
起直至潤州自號為一國早晚來打揚州因此朝廷已差下張  
招討劉都督去剿捕燕青李逵聽了這話慌忙還了茶錢離了

小巷迤逦出城回到營中來見軍師吳學究報知此事吳用見  
說心中大喜來對宋先鋒說知江南方臘造反朝廷已遣張招  
討領兵宋江聽了道我等軍馬諸將閑居在此甚是不宜不若  
使人去告知宿太尉令其于天子前保奏我等情愿起兵前去  
征進當時會集諸將商議盡皆歡喜有詩為証

屏迹行營思不勝 相携城內看花燈 偶從茶肆傳消息  
虎噬狼吞事又興

次日宋江換了些衣服帶領燕青自來說此一事迤入城中直  
至太尉府前下馬正值太尉在府令人傳報太尉聞知即忙教  
請進宋江來到堂上再拜起居宿太尉道將軍何事更衣而來  
宋江稟道近因省院出榜但凡出征官軍非奉呼喚不敢擅自  
入城今日小將私步至此上告恩相聽的江南方臘造反占據



州郡擅改年號侵至潤州早晚渡江來打揚州宋江等人馬久  
關在此屯札不宜某等情愿部領兵馬前去征勦盡忠報國望  
恩相於天子前題奏則箇宿太尉聽了大喜道將軍之言正合  
吾意此乃為國為民之盛事下官當以一力保奏有何不可將  
軍請回來早宿某具本奏聞天子必當重用宋江辭了太尉自  
回營寨與眾弟兄說知却說宿太尉次日早朝入內見天子在  
披香殿與百官文武計事正說江南方臘作耗占據八州二十  
五縣改年建號如此作反自霸稱尊目今早晚兵犯揚州天子  
乃曰已命張招討劉光世征進未見次第宿太尉越班奏曰想  
方草寇既成大患陛下已遣張總兵劉都督再差破遼得勝宋  
先鋒這兩支軍馬為前部可去勦除必幹大功天子聞奏大喜  
心之所言正合朕意急令使臣三省院官聽聖旨當下張招討

從耿二叅謀亦行保奏要調宋江這一千人馬為前部先鋒省  
院官到殿領了聖旨隨即宣取宋先鋒盧先鋒直到披香殿下  
朝見天子拜舞已畢天子降勅封宋江為平南都總管征討方  
臘正先鋒封盧俊義為兵馬副總管平南副先鋒各賜金帶一  
條錦袍一領金甲一副名馬一騎綵段二十五表裡其餘正偏  
將佐各賜段疋銀兩待有功次照名陞賞加受官爵三軍頭目  
給賜銀兩都就於內府關支定限目下出師起行宋江盧俊義  
領了聖旨就辭了天子皇上乃曰卿等數內有箇能鑄玉石印  
信金大堅又有箇能識良馬皇甫端留此二人駕前聽用宋江  
盧俊義承旨再拜仰觀天顏謝恩出內上馬回營宋江盧俊義  
兩箇在馬上歡喜並馬而行出的城來只見街市上一箇漢子  
手裡擎着一件東西兩條巧棒中穿小索以手牽動那物便响

宋江見了却不識的使軍士喚那漢子問道此是何物那漢子  
答道此是胡敵也用手牽動自然有聲宋江乃作詩一首

一聲低了一聲高 嘹亮聲音透碧霄 空有許多雄氣力  
無人提慶護徒勞

宋江在馬上與盧俊義笑道這胡敵正比着我本你空右

物事無人提挈何能振響叫左右取些碎銀賞了調胡敵的

白去兩箇並馬開話宋江餘意不盡在馬上再作詩一首

心地最虛鳴 此是良工巧製成 昔年人見是驚物

到頭終久沒聲名

盧俊義道兄長何故發此言據我胸中學

之下如無木事枉自有人提挈亦作何用

我若非宿太尉一力保奏如何能勾天子重用

人不可忘本盧俊義自覺失言不敢回話兩個回到營寨

而坐當時會集諸將盡教收拾鞍馬衣甲准備起身征討

次日於內府關到賞賜段疋銀兩分俵諸將給散三軍頭目便

就起送金大堅皇甫端去御前聽用宋江一面調撥戰船先行

看令水軍頭領自去整頓篙檣帆撐駕望大江進發傳令此

馬軍頭領整頓弓箭鎗刀衣袍鎧甲水陸並進船騎同行收拾

起程只見蔡太師差府幹到營索要聖手書生蕭讓次王都

尉自來問宋江求要鉄叫子樂和聞此人善能歌唱要代府裡

便令宋江只得依允隨即又起送了二人去訖宋江自此去了

五箇弟兄心中好生鬱鬱不樂當與盧俊義計議定了號令諸

軍准備出師却說這江南方臘起義已久即漸而成不想弄到

許大事業此人原是歙州山中樵夫因去溪邊淨手水中照見

自己頭戴平天冠身穿袞龍袍以此向人道他有天子福分因而造反就清溪縣內幫源洞中起造寶殿內苑宮闕睦州歙州亦各有行宮仍設文武職臺省院官僚內相外將一應大臣睦州即今時建德宋改為嚴州歙州即今時婺源宋改為徽州這方臘直從這里占到潤州今鎮江是也共該八州二十五縣那八州歙州睦州杭州蘇州常州湖州宣州潤州那二十五縣都是這八州管下此時嘉興松江崇德海寧皆是縣治方臘自為國主仍設三省六部臺院等官非同小可不比嘯聚山林之輩原來方臘上應天書推背圖上道自是十千加一點冬盡始稱尊縱橫過浙水顯跡在吳興那十千乃万也頭加一點乃方字也冬盡乃臘也稱尊者乃南面為君也正應方臘二字占據江南八郡又比遼國差多少來去再說宋江選日出師相辭了省

院諸官當有宿太尉趙樞密親來以行賞勞三軍水軍頭領已把戰船從泗水入淮河望淮安軍壩俱到揚州取齊宋江盧俊義謝了宿太尉趙樞密搭了上路將軍馬分作五起取旱路投揚州來於路無話前軍已到淮安縣屯扎當有本州官員置筵設席等接宋先鋒到來請進城中管待訴說方臘賊兵浩大不可輕敵前面便是揚子大江九千三百餘里遶流入海此是江南第一箇險隘去處隔江却是潤州如今是方臘手下樞密呂師囊并十二箇統制官守住江岸若不得潤州為家難以抵敵宋江聽了便請軍師吳用計較良策即目前面大江攔截作何可渡破遼國時都是旱路水軍頭領不曾建的功勞今次要渡江南須用水軍船隻向前吳用道揚子江中有金焦二山靠着潤州城郭可叫幾箇弟兄前去探路打聽隔江消息用何船

隻可以渡江宋江傳令教喚  
人與我先去探路打聽隔江消息用何良策可以進兵只見帳  
下轉過四員戰將盡皆愿往不是這幾箇人來探路有分教橫  
屍似北固山高流血染揚子江赤潤州城內直須鬼哭神嚎金  
山寺中從使天翻地覆直教六軍飛渡烏龍嶺戰艦平吞白鴈  
灘畢竟宋江軍馬怎地去收方臘且聽下回分解

金大堅

皇甫端

蕭讓

樂和

辭別歸山一員將佐

忠義水滸傳卷之九十一

施耐菴集撰

羅貫中纂修

第九十一回

張順夜伏金山寺

宋江智取潤州城

詩曰

一萬里長江似建瓴 東歸大海若雷鳴 浮天雪浪人皆懼  
動地煙波鬼亦驚 竭力祗因清國難 勤王端擬耀天兵  
潛踪歛迹金山下 斬將搴旗在此行

話說這九千三百里揚子大江遠接三江却是漢陽江潯陽江  
揚子江從四川直至大海中間通着多少去處以此呼為萬里  
長江地分吳楚江心內有两座山一座喚做金山一座喚做焦

山金山上有一座寺繞山起蓋謂之寺裹山焦山上一座寺巖  
在山凹裡不見形勢謂之山裹寺這兩座山生在江中正占着  
楚尾吳頭一邊是淮東揚州一邊是浙西潤州今時鎮江是也  
且說潤州城郭却是方臘手下東廳樞密使呂師囊守把江岸  
此人原是歙州富戶因獻錢糧與方臘官封為東廳樞密使幼  
年曾讀兵書戰策慣使一條丈八蛇矛武藝出眾部下管領着  
十二箇統制官名號江南十二神協同守把潤州江岸那十二  
神是

擎天神福州沈剛

游奕神歙州潘文得

遁甲神睦州應明

六丁神明州徐統

霹靂神越州張近仁

巨靈神杭州沈澤

太白神湖州趙毅

太歲神宣州高可立

弔客神常州范疇

黃幡神潤州卓萬里

豹尾神江州和潼

喪門神蘇州沈抃

話說樞密使呂師囊統領着五萬南兵據住江岸甘露亭下擺  
列着戰船三千餘隻江北岍却是瓜洲渡口淨蕩蕩地無甚險  
阻此時先鋒使宋江奉着詔救征剿方臘兵馬戰船五軍諸將  
水陸並進船騎同行已到淮安了約至揚州取齊當日宋先鋒  
在帳中與軍師吳用等計議此去大江不遠江南岸便是賊兵  
守把誰人與我先去探路一遭打聽隔江消息可以進兵帳下  
轉過四員戰將皆云願往那四個一箇是小旋風柴進一個是  
浪裡白跳張順一箇是拚命三郎石秀一箇是活閻羅阮小七  
宋江道你四人分作兩路張順和柴進阮小七和石秀可直到  
金焦二山上宿歇打聽潤州賊巢虛實前來揚州回話四人辭  
了宋江各帶了兩箇伴當扮做客入取路先投揚州來此時於  
路百姓聽得大軍來征剿方臘都挈家搬在村裡躲避了四箇

人在揚州城裡分別各辦了些乾糧石秀自和阮小七帶了兩箇伴當投焦山去了却說柴進和張順也帶了兩個伴當將乾糧稍在身邊各帶把鋒芒快尖刀提了朴刀四個遶瓜洲來此時正是初春天氣日煖花香到得楊子江邊凭高一望淘淘雪浪滾滾烟波是好江景也有詩為証

萬里烟波萬里天

紅霞遙映海東邊

打魚舟子渾無事

醉擁青簑自在眠

這柴進二人望見北固山下一代都是青白二色旌旗岸邊一字兒擺着許多舡隻江北岸上一根木頭也無柴進道瓜洲路上雖有屋宇並無人住江上又無渡舡怎生得知隔江消息張順道須得一間屋兒歇下看兄弟赴水過去對江金山脚下打聽虛實柴進道也說得是當下四個人遶到江邊見一代數間

草房盡皆關閉推門不開張順轉過側首撥開一堵壁子鑽進去見箇白頭婆婆從竈邊走起來張順道婆婆你家為甚不開門那婆婆答道實不瞞客人說如今聽得朝廷起大軍來與方臘廝殺我這里正是風門水口有此人家都搬了別處去躲只留下老身在這里看屋張順道你家男子漢那里去了婆婆道村里去望老小去了張順道我有四箇人要渡江過去那里有船覓一隻婆婆道舡却那里去討近日呂師囊聽得大軍來和他廝殺都把船隻拘管過潤州去了張順道我四人自有糧食只借你家宿歇兩日與你些銀子作房錢並不攪擾你婆婆道歇却不妨只是沒床席張順道我們自有措置婆婆道客人只怕早晚有大軍來張順道我們自有迴避於是開門放柴進和伴當入來都倚了朴刀放了行李取些乾糧燒餅出來吃了

張順再來江邊望那江景時見金山寺正在江心裡但見  
江吞鰲背山聳龍鱗銀盤湧出青螺軟翠堆遠拖素練遙  
觀金殿受八面之天風遠望鍾樓倚千層之石壁梵塔高侵  
滄海日講堂低映碧波雲無邊閣看萬里征帆飛步亭納一  
天爽氣郭璞墓中龍吐浪金山寺裡鬼移燈

張順在江邊看了一回心中思忖道潤州呂樞密必然時常到  
這山上我且今夜去走一遭必知消息回來和柴進商量道如  
今來到這里一隻小舡也沒怎知隔江之事我今夜把衣服打  
拴了兩個大銀頂在頭上直赴過金山寺去把些賄賂與那和  
尚討箇虛實回報先鋒哥哥你只在此間等候柴進道早幹了  
事便回是夜星月交輝風恬浪靜水天一色黃昏時分張順脫  
膊了匾扎起一腰白絹水裊兒把這頭巾衣服裹了兩箇大銀

拴縛在頭上腰間帶一把尖刀從瓜洲下水直赴開江心中來  
那水滄不過他冒脯在水中如走旱路看看赴到金山脚下見  
石峰邊纜着一隻小船張順扒到舡邊除下頭上衣包解了濕  
衣抹拭了身上穿上衣服坐在舡中聽得潤州更鼓正打三更  
張順伏在舡內望時只見上溜頭一隻小船搖將過來張順看  
了道這隻船來得蹺蹊必有奸細便要放船開去不想那隻舡  
一條大索鎖了又無櫓篙張順只得又脫了衣服拔出尖刀再  
跳下江裡只赴到那舡邊舡上兩個人搖着櫓只望北岸不限  
防南邊只顧搖張順却從水底下一鑽鑽到船邊扳住舡舫把  
尖刀一削兩箇搖櫓的撒了櫓倒撞下江裡去了張順早跳在  
舡上那舡舫裡鑽出兩個人來張順手起一刀砍得一箇下水  
去那個嚇得倒入舡裡去張順喝道你是甚人那里來的船隻

實說我便饒你那人道好漢聽稟小人是此間揚州城外定浦村陳將士家幹人使小人過潤州投拜呂樞密那里獻糧准了使個虞候和小人同回索要白糧五萬石船三百隻作進奉之禮張順道那個虞候姓甚名誰見在那里幹人道虞候姓葉名貴却纔好漢砍下江裡去的便是張順道你却姓甚甚麼名字幾時過去投拜船裏有甚物件幹人道小人姓吳名成今年正月月初七日渡江呂樞密直叫小人去蘇州見了御弟三大王方貌關了號色旌旗三百面并主人陳將士官誥封做揚州府戶正授中明大夫名爵更有號衣一千領及呂樞密扎付一道張順又問道你的主人家有多少人馬吳成道人有數千馬有百十餘疋嫡親有兩個孩兒好生了得長子陳益次子陳泰張順都問了備細來情去意一刀也把吳成剝下水裡去了船岸上

裝了梢一迳搖到瓜洲柴進聽櫓聲響急忙出來看時見張順搖隻船來柴進便問來由張順把前事一一說了柴進大喜去船艙裡取出一包袱文書并三百面紅絹號旗雜色號衣一千領做兩擔打角了張順道我却去取了衣裳來把船再搖到金山脚下取了衣裳巾幘銀子再搖到瓜洲岸邊天色方曉重霧罩地張順把船砍漏推開江裡去沉了來到屋下把三二兩銀子與了婆婆兩個伴當挑了擔子迳回揚州來此時宋先鋒軍馬俱屯扎在揚州城外本州官員置宴設席迎接宋先鋒入城館驛內安下連日筵宴供給軍士却說柴進張順伺候席散在館驛內見了宋江備說陳將士陳觀交結方臘早晚誘引賊兵渡江來打揚州天幸江心裡遇見教主公成這件功勞宋江聽了大喜便請軍師吳用商議如何定計用甚良策吳用道既有



這箇機會觀潤州城易如反掌先拿了陳觀大事便定只除如此如此宋江道正合吾意即時喚浪子燕青扮做葉虞候教解珍解寶扮做南軍問了定浦村路頭解珍解寶挑着擔子燕青都領了備細言語三個出揚州城來取路投定浦村離城四十餘里早問到陳將士莊前見其家門首二三十莊客都整整齊齊一般打扮但見

攢竹笠子上鋪着一把黑纓細線衲襖腰繫着八尺紅絹牛膀鞋登山似箭獐皮靴護脚如綿人人都帶鴈翎刀個個盡提鴉嘴擗

當下燕青改作浙人鄉談與莊客唱喏道將士宅上有麼莊客道客人那里來燕青道從潤州來渡江錯走了路半日盤旋問得到此莊客見說便引入客房裡去教歇了擔子帶燕青到後

廳來見陳將士燕青便下拜道葉貴就此叅見拜罷陳將士問道足下何處來燕青打浙音道回避閑人方敢對相公說陳將士道這幾個都是我心腹人但說不妨燕青道小人姓葉名貴是呂樞密帳前虞候正月初七日接得吳成密書樞密甚喜特差葉貴送吳成到蘇州見御弟三大王備說相公之意三大王使人啓奏降下官誥就封相公為揚州府尹兩位直問舍人待呂樞密相見了時再定官爵今欲使令吳成回程誰想感冒風寒病症不能動止樞密怕悞了大事特差葉貴送到相公官誥并樞密文書關防牌面號旗三百面號衣一千領尅日定時要相公糧食舡隻前赴潤州江岸交割便取官誥文書遞與陳將士看了大喜忙擺香案望南謝恩已了便喚陳益陳泰出來相見燕青叫解珍解寶取出號衣號旗入後廳交付陳將士便邀

燕青請坐燕青道小人是個走卒相公處如何敢坐陳將士道  
足下是那壁恩相差來的人又與小官賚誥勅怎敢輕慢權坐  
無妨燕青再三謙讓了遠遠地坐下陳將士叫取酒來把盞勸  
燕青燕青推却道小人天戒不飲酒待他把過三兩巡酒兩個  
兒子都來與父親慶賀遞酒燕青把眼使叫解珍解寶行事解  
寶身邊取出不按君臣的藥頭張人眼慢放在酒壺裡燕青便  
起身說道葉貴雖然不曾將酒過江借相公酒菓權為上賀之  
意便斟一大鍾酒上勸陳將士滿飲此盃隨即便勸陳益陳泰  
兩箇各飲了一盃當面有幾個心腹莊客都被燕青勸了一盃  
燕青那嘴一努解珍出來外面尋了火種身邊取出號旗號砲  
就莊前放起左右兩邊已有頭領等候只聽號砲響前來策應  
燕青在堂裡見一箇箇都倒了身邊掣出短刀和解寶一齊動

手早都割下頭來莊門外關斬十箇好漢從前面打將入來那  
十員將佐花和尚魯智深行者武松九紋龍史進病關索楊雄  
黑旋風李逵八臂那吒項充飛天大聖李衮喪門神鮑旭錦豹  
子楊林病大虫薛永門前眾莊客那里迎敵得住裡面燕青解  
珍解寶早提出陳將士父子首級來莊門外又早一彪人馬官  
軍到來為首六員將佐那六員美髯公朱仝急先鋒索超沒羽  
箭張清混世魔王樊瑞打虎匠李忠小霸王周通當下六員首  
將引一千軍馬圍住莊院把陳將士一家老幼盡皆殺了掣住  
莊客引去浦裡看時傍莊傍港泊着三四百隻船却滿滿裝載  
糧米在內眾將得了數目飛報主將宋江宋江聽得殺了陳將  
士便與吳用計議進兵收拾行李辭了總督張招討部領大隊  
人馬親到陳將士莊上分撥前隊將校上舡行計一面使人催

續戰舡過去吳用道選三百隻快舡舡上各插着方臘旗號的一千軍漢各穿了號衣其餘三四千人衣服不等三百隻舡內埋伏二萬餘人更差穆弘扮做陳益李俊扮做陳泰各坐一隻大舡其餘舡分撥將佐

項充

李袞

鮑旭

薛永

楊林

杜遷

宋萬

鄒淵

鄒潤

石勇

李俊身邊也撥與十箇偏將簇擁着那十個

童威

童猛

孔明

孔亮

鄭天壽

李立

李雲

施恩

白勝

陶宗旺

第二撥舡上差張橫張順管領張橫舡上撥與四箇偏將簇擁

着那四箇

曹正

杜興

龔旺

丁得孫

張順舡上撥與四箇偏將簇擁着那四箇

孟康

侯健

湯隆

焦挺

第三撥舡上便差十員正將管領也分作兩舡進發那十箇

史進

雷橫

楊雄

劉唐

蔡慶

張清

李逵

解珍

解寶

柴進

這三百舡上分派大小正偏將佐共計四十二員渡江次後宋江等却把戰船裝載馬疋遊龍飛鯨等船一千隻打着宋朝先鋒使宋江旗號大小馬步將佐一簇載舡渡江兩個水軍頭領一箇是阮小二一箇是阮小五總行催督且不說宋江中軍渡江却說潤州北固山上哨見對港三百來隻戰船一齊出浦舡

上却插着護送衣糧先鋒紅旗號南軍連忙報入行省裡來呂樞密聚集十二箇統制官都全副披掛弓弩上弦刀劍出鞘帶領精兵自來江邊觀看見前面一百隻舡先傍岸擺來舡上望着兩個為頭的前後簇擁着的都披着金鎖子號衣一箇箇都是那彪形大漢呂樞密下馬坐在銀交椅上十二個統制官兩行把住江岸穆弘李俊見呂樞密在江岸上坐地起身聲喏左右虞候喝令住舡一百隻舡一字兒拋定了矛背後那二百隻舡乘着順風都到了分開在兩下擺來一百隻在左一百隻在右做三下均勻擺定了客帳司下舡來問道舡從那里來穆弘答道小人姓陳名益兄弟陳泰父親陳觀特遣某等弟兄獻納白米五萬石舡三百隻精兵五千來謝樞密恩相保奏之恩客帳司道前日樞密相公使葉虞候去來見在何處穆弘道虞候

和吳成各染傷寒時疫見在莊上養病不能前來今將關防文書在此呈上客帳司接了文書上江岸來稟復呂樞密道揚州定浦村陳府尹男陳益陳泰納糧獻兵呈上原賚去關防文書在此呂樞密看果是原領公文傳鈞旨教喚二人上岸客帳司喚陳益陳泰上來恭見穆弘李俊上得岸來隨後二十個偏將都跟上去排軍喝道卿相在此閑雜人不得近前二十個偏將都立住了穆弘李俊躬身叉手遠遠侍立客帳司半晌方纔引二人過去恭拜了跪在面前呂樞密道你父親陳觀如何不自來穆弘稟道父親聽知是梁山泊宋江等領兵到來誠恐賊人下鄉攪擾在家支吾未敢擅離呂樞密道你兩個曾習武藝麼穆弘道托賴恩相福蔭頗曾訓練呂樞密道你將來白糧怎地裝載穆弘

道大船裝糧三百石小船裝糧一百石呂樞密道你兩個來到恐有他意穆弘道小人父子一片孝順之心怎敢懷半點外意呂樞密道雖然是你好心吾觀你舡上軍漢模樣非常不由人不疑你兩個只在這裡吾差四個統制官引一百軍人下舡搜看但有分外之物决不輕恕穆弘道小人此來指望息相重用何必見疑呂師囊正欲點四個統制下船搜看只見探馬報道有聖旨到南門外了請樞相便上馬迎接呂樞密急上了馬便分付道且與我把住江岸這兩箇陳益陳泰隨將我來穆弘把眼看李俊一覺等呂樞密先行去了穆弘李俊隨後招呼二十箇偏將便入城門守門將校喝道樞密相公口叫這兩個為頭的入來其餘人伴休放進去穆弘李俊過去了二十箇偏將都被當住在城邊且說呂樞密到南門外接着天使便問道緣何

來得如此要急那天使是方臘面前引進使馮喜悄悄地對呂師囊道近日司天太監浦文英奏道夜觀天象有無數罡星入吳地分野中間雜有一半無光就裡為禍不小天子特降聖旨教樞密緊守江岸但有北邊來的人須要仔細盤詰磨問實情如是形影奇異者隨即誅殺勿得停留呂樞密聽了大驚却纔這一班人我十分疑忌如今却得這話且請到城中開讀馮喜同呂樞密都到行省開讀聖旨已了只見飛馬又報蘇州又有使命賚擊御弟三大王令旨到來言說你前日揚州陳將士投降一節未可准信誠恐有詐近奉聖旨近來司天監內照見罡星入于吳地分野可以牢守江岸我早晚自差人到來監督呂樞密道大王亦為此事掛心下官已奉聖旨隨即令人牢守江面來的船上人一箇也休放上岸一面設宴管待兩個使命有

詩為証

奸黨三陳已被傷 假乘服色進軍糧 因觀形貌生猜忌

獨地掀天起戰場

却說那三百隻船上人見半日沒些動靜左邊一百隻船上張橫張順帶八個偏將提軍器上岸右邊一百隻船上十員正將都拿了鎗刀鑽上岸來守江面南軍攔當不住黑旋風李逵和鮮珍鮮寶便搶入城守門官軍急出攔截李逵輪起雙斧一砍一剝早殺翻兩個把門軍官城邊發起喊來鮮珍鮮寶各挺鋼叉入城都一時發作那里關得城門迭李逵橫身在門底下尋人砍殺先在城邊二十個偏將各奪了軍器就殺起來呂樞密急使人傳令來教牢守江面時城門邊已自殺入城了十二個統制官聽得城邊發喊各提動軍馬時史進柴進早招起三百

隻舡內軍兵脫了南軍的號衣為首先上岸舡艙裡埋伏軍兵一齊都殺上岸來為首統制官沈剛潘文得兩路軍馬來保城門時沈剛被史進一刀剝下馬去潘文得被張橫刺斜里一鎗搠倒衆軍混殺那十個統制官都望城門裡退入去保守家眷穆弘李俊在城中聽得消息就酒店裡奪得火種便放起火來呂樞密急上馬時早得三個統制官到來救應城裡降天也似火起瓜洲望見先發一彪軍馬過來接應城裡四門混戰良久城上早豎起宋先鋒旗號四面八方混殺人馬難以盡說下來便見且說江北岸早有一百五十隻戰舡傍岸一齊牽上戰馬為首十員戰將登岸却是全付披掛那十員大將關勝呼延灼花榮秦明郝思文宣贊單廷珪韓滔彭玘魏定國正偏戰將一十員部領二千軍馬衝殺入城此時呂樞密方纔大敗引着中

傷人馬迤逦丹徒縣去了大軍奪得潤州且教救滅了火分撥把住四門却來江邊迎接宋先鋒船正見江面上遊龍飛鯨船隻乘着順風都到南岬大小將佐迎接宋先鋒入城預先出榜安撫百姓點本部將佐都到中軍請功史進獻沈副首級張橫獻潘文得首級劉唐獻沈澤首級孔明孔亮生擒卓萬里項充李衮生擒和潼郝思文箭射死徐統得了潤州殺了四個統制官生擒兩箇統制官殺死牙將官兵不計其數宋江點本部將佐折了三箇偏將都是亂軍中被箭射死馬踏身亡那三箇一箇是雲裡金剛宋萬一個是沒面目焦挺一個是九尾龜陶宗旺宋江見折了三將心中煩惱快快不樂吳用勸道生死人之分定雖折了三個兄弟且喜得了江南第一個險隘州郡何故煩惱有傷玉體要與國家幹功且請理論大事宋江道我等一

百八人天文所載上應星曜當初梁山泊蒞鎮五臺山設誓但願同生同死回京之後誰想道先去了公孫勝御前留了金大聖皇甫端蔡太師又用了蕭讓王都尉又要了樂和今日方渡江又折了我三個弟兄想起宋萬這人雖然不曾立得奇功當初梁山泊開創之時多虧此人今日作泉下之客宋江傳令叫軍士就宋萬死處搭起祭儀列了銀錢排下烏猪白羊宋江親自祭祀奠酒就押生禽到偽統制卓萬里和潼就那里斬首瀝血享祭三位英魂宋江回府治裏支給功賞一面寫了申狀使人報捷親請張招討不在話下沿街殺的死屍盡教收拾出城燒化妝拾三箇偏將屍骸葬於潤州東門外且說呂樞密折了大半人馬引着六個統制官退守丹徒縣那里敢再進兵申將告急文書去蘇州報與三大王方貌求救聞有探馬報來蘇州

水滸傳卷之九十一  
十二  
差元帥邢政領軍到來了呂樞密接見邢元帥問慰了來到縣治備說陳將士詐降緣由以致透漏宋江軍馬渡江今得元帥到此可同恢復潤州邢政道三大王為知罡星犯吳地特差下官領軍到來巡守江面不想樞密失利下官與你報仇樞密當以助戰次日邢政引軍來恢復潤州却說宋江在潤州衙內與吳用商議童威童猛引百餘人去焦山尋取石秀阮小七一面調兵出城來取丹徒縣點五千軍馬為首差十員正將那十人關勝林冲秦明呼延灼董平花榮徐寧朱仝索超楊志當下十員正將部領精兵五千離了潤州望丹徒縣來關勝等正行之次路上正迎着邢政軍馬兩軍相對各把弓箭射住陣脚排成陣勢花腔鞭鼓搥雜彩綉旗搖南軍陣上邢政挺鎗出馬六個統制官分在兩下宋軍陣中關勝見了縱馬舞青龍偃月刀夾

戰邢政兩員將蕩起一天殺氣兩疋馬驟遍地征塵鬪到十四五合一將翻身落馬正是只云會使英雄勇怎敵將軍一智謀全憑捉將拿人手來奪江南第一州畢竟二將廝殺輸了的是誰且聽下面分解

此一回內折了三員將佐

宋萬

焦挺

陶宗旺



忠義水滸傳卷之九十二

施耐菴集撰  
羅貫中纂脩

第九十二回

盧俊義分兵宣州道

宋公明大戰毗陵郡

詩曰

罡星殺曜遶江東 舉足妖氛一掃空  
鞭指毘陵如拉朽 旗飄寧國似摧蓬  
一心直欲尊中國 眾力那堪揖下風  
今日功名青史上 萬年千載播英雄

話說元帥邢政和關勝交馬戰不到十四五合被關勝手起一刀砍於馬下可憐南國英雄化作南柯一夢呼延灼見砍了邢政大驅人馬捲殺將去大箇統制官望南而走呂樞密見本部

軍兵大敗虧輸棄了丹徒縣領了傷殘軍馬望常州縣而走宋  
兵十員大將奪了縣治報捷與宋先鋒知道部領大隊軍兵前  
進丹徒縣駐扎賞勞三軍飛報張招討移兵鎮守潤州次日中  
軍從耿二叅謀賚送賞賜到丹徒縣宋江祇受給賜眾將宋江  
請盧俊義計議調兵征進宋江道目今宣湖二州亦是賊寇方  
臘占據我今與你分兵搦將作兩路征勦寫下兩個闌子對天  
拈取若拈得所征地方便引兵去當下宋江闌得常蘇二處盧  
俊義闌得宣湖二處宋江便叫鉄面孔目裴宣把眾將均分除  
楊志患病不能征進寄留丹徒外其餘將校搦開兩路宋先鋒  
分領將佐攻打常蘇二處正偏將共計四十二人正將一十三  
員偏將二十九員

正將先鋒使呼保義宋江

軍師智多星吳用

撲天鵬李應 大刀關勝 小李廣花榮

霹靂火秦明 金鎗手徐寧 美髯公朱仝

花和尚魯智深 行者武松 九紋龍史進

黑旋風李逵 神行太保戴宗

偏將鎮三山黃信 病尉遲孫立 井木犴郝思文

醜郡馬宣贊 百勝將韓滔 天目將彭玘

混世魔王樊瑞 鉄笛仙馬麟 錦毛虎燕順

八臂那吒項克 飛天大聖李袞 喪門神鮑旭

矮脚虎王英 一丈青扈三娘 錦豹子楊林

金眼彪施恩 鬼臉兒杜興 毛頭星孔明

獨火星孔亮 轟天雷凌振 鐵臂膊蔡福

一枝花蔡慶 金毛犬段景住 通臂猿侯健

神箕子蔣敬 神醫安道全 險道神郁保四

鐵扇子宋清 鉄面孔目裴宣

大小正偏將佐四十二員隨行精兵三萬人馬宋先鋒捻領副  
先鋒盧俊義亦分將佐攻打宣湖二處正偏將佐共四十七員  
正將一十四員偏將三十三員朱武偏將之首受軍師之職

正將副先鋒五麒麟盧俊義 軍師神機朱武

小旋風柴進 豹子頭林冲 雙鎗將董平

雙鞭呼延灼 急先鋒索超 沒遮攔穆弘

病關索楊雄 揀翅虎雷横 兩頭蛇解珍

雙尾蝎解寶 沒羽箭張清 赤髮鬼劉唐

浪子燕青 神火將魏定國 小温侯呂方

偏將聖水將單廷珪

賽仁貴郭盛 摩雲金翅歐鵬 火眼狻猊鄧飛

打虎將李忠 小霸王周通 跳澗虎陳達

白花蛇楊春 病大虫薛永 摸着天杜遷

小遮攔穆春 出林龍鄒淵 獨角龍鄒潤

催命判官李立 青眼虎李雲 石將軍石勇

旱地忽律朱貴 笑面虎朱富 小尉遲孫新

母大虫顧大嫂 菜园子張青 母夜叉孫二娘

白面郎君鄭天壽 金錢豹子湯隆 操刀鬼曹正

白日鼠白勝 花項虎龔旺 中箭虎丁得孫

霍閃婆王定六 鼓上蚤時遷

大小正偏將佐四十七員隨征精兵三萬人馬盧俊義管領看  
官牢記話頭盧先鋒攻打宣湖二州共是四十七人宋公明攻

打常蘇二處共是四十二人計有水軍頭領自是一夥為因童  
威童猛差去焦山回報石秀阮小七來到江邊殺了一家老小  
奪頭一隻快船前到焦山寺內尋見石秀阮小七寺主知道是  
梁山泊好漢留在寺中宿食後知張順幹了功勞打聽得焦山  
下舡取茆港好去征伐江陰太倉沿海使人申將文書來索請  
水軍頭領并要戰具船隻宋江即差李俊等八員撰與水軍五  
千跟隨石秀阮小七等共取水路計正偏將一十員那十員正  
將七員偏將三員

拚命三郎石秀

混江龍李俊

船火兒張橫

浪裡白跳張順

立地太歲阮小二

短命二郎阮小五

活閻羅阮小七

出洞蛟童威

翻江蜃童猛

玉幡竿孟康

大小正偏將佐一十員水軍精兵五千戰舡一百隻看官聽說  
宋江自丹徒分兵共是九十九人已自不滿百數大戰舡都撰  
與水軍頭領攻打江陰大倉小戰舡却俱入丹徒都在裡港隨  
軍攻打常州話說呂師囊引着六箇統制官退保常州毗陵郡  
這常州原有守城統制官錢振鵬手下兩員副將一箇是晉陵  
縣上濠人氏姓金名節一個是錢振鵬心腹之人許定錢振鵬  
原是清溪縣都頭出身協助方臘累得城池陞做常州制置使  
聽得呂樞密失利折了潤州一路退回常州隨即引金節許定  
開門迎接請入州治管待已了商議退戰之策錢振鵬道樞相  
放心錢某不才一托天子洪福下賴樞相虎威願施犬馬之勞  
直殺的宋江那厮們大敗過江恢復潤州復為吾地使宋江正  
眼兒不敢再覷江南振鵬之願也呂樞密撫慰道若得制置如

此用心何慮大國不安矣殺退敵軍之後克復得潤州以為家  
邦呂某當極力以奏高遷重爵當日筵宴不在話下且說宋先  
鋒領起分定人馬攻打常蘇二州撲馬軍長驅大進望毗陵郡  
采為頭正將一員關勝部領十員將佐那十人秦明徐寧黃信  
孫立郝思文宣楚韓滔彭玘馬麟燕順正偏將佐共計十一員  
引馬軍三千直取常州城下搖旗擂鼓搥戰呂樞密看了道誰  
敢去退敵軍錢振鵬備了戰馬道錢某當以効力向前呂樞密  
隨即撲六箇統制官相助六個是誰應明張近仁趙毅沈抃高  
可立范疇七員將帶領五千人馬開了城門放下吊橋錢振鵬  
使口濈風刀騎一疋捲毛赤兔馬當先出城關勝見了把軍馬  
暫退一步讓錢振鵬列成陣勢排開六個統制官分在兩下對  
陣關勝當先立馬橫刀厲聲高叫反賊聽着汝等助一匹夫謀

反損害生靈天神共怒今日天兵臨境尚不知死敢來與吾拒  
敵我等不把你這賊徒誅盡殺絕誓不回兵錢振鵬聽了大怒  
罵道量你等一夥是梁山泊草寇不知天時却不思圖王霸業  
倒去降無道昏君要來和俺大國相併我今直殺的你片甲不  
回纔罷關勝大怒舞起青龍偃月刀直衝將來錢振鵬使動濈  
風刀迎殺將去兩員將廝殺正是敵手堪描堪畫但見

寒光閃灼殺氣瀰漫兩疋馬騰踏咆哮一員將遮攔駕隔濈  
風刀起似半空飛下流星青龍刀輪如平地奔馳閃電馬蹄  
撩亂鏗鈴響慶陣雲飛兵器相交殺氣橫時神鬼懼好似武  
侯擒孟獲恰如關羽破蚩尤

這關勝和錢振鵬鬥了三十合之上錢振鵬漸漸力怯抵當不  
住南軍門旗下兩箇統制官看見錢振鵬力怯挺兩條鎗一齊

出馬前去夾攻關勝上首趙毅下首范疇宋軍門旗下惱犯了  
兩員偏將一箇舞動喪門劍一箇使起虎眼鞭搶出馬來乃是  
鎮三山黃信病尉遲孫立六員將三對兒在陣前廝殺呂樞密  
急使許定金節出城助戰兩將得令各持兵器都上馬直到陣  
前見趙毅戰黃信范疇戰孫立却也都是對手聞到澗深裡趙  
毅范疇漸拆便宜許定金節各使一口大刀出陣宋軍陣中韓  
滔彭玘二將雙出來迎金節戰住韓滔許定戰住彭玘四將又  
兩五隊兒在陣前廝殺原來金節素有歸降大宋之心故意要  
本隊陣亂略開數合撥回馬望本陣先走韓滔乘勢追將去南  
軍陣上高可立看見金節被韓滔追趕得緊急取雕弓搭上硬  
箭滿滿地拽開颼的一箭把韓滔面頰上射着倒撞下馬來這  
時秦明急把馬一拍輪起狼牙棍前來救時早被那里張近仁

攔出來咽喉上復一鎗結果了性命彭玘和韓滔是一正一副  
的弟兄見他身死急要報仇撇了許定直透陣上去尋高可立  
許定趕來却得秦明占住廝殺高可立看見彭玘趕來挺鎗便  
迎不隄防張近仁從肋羅裡撞將出來把彭玘一鎗搠下馬去  
關勝見損了二將心中忿怒恨不得殺進常州使轉神威把錢  
振鵬一刀也剝于馬下待要搶他那騎赤色捲毛馬不隄防自  
已坐下赤兔馬一脚前失倒把關勝掀下馬來南陣上高可立  
張近仁兩騎馬便來搶關勝却得徐寧引宣贊郝思文二將齊  
出救得關勝回歸本陣呂樞密大驅人馬捲殺出城關勝眾將  
失利望北退走南兵追趕二十餘里此日關勝折了此人馬引  
軍回見宋江訴說拆了韓滔彭玘宋江大哭道誰想渡江已來  
損拆我五箇兄弟莫非皇天有怒不容宋江收捕方臘以致損

兵折將吳用勸道主帥差矣輸贏勝敗兵家常事人之生死乃是分定不足為怪此是兩箇將軍祿絕之日以致如此請先鋒免憂且理大事有詩為証

勝敗兵家不可期 安危端有命為之 出師未捷身先死 落日江流不盡悲

且說帳前轉過李逵便說道着幾個認得殺俺兄弟的人引我去殺那廝賊徒替我兩個哥哥報仇宋江傳令教來日打起一面白旗我親自引眾將直至城邊與賊交鋒決個勝負次日宋公明領起大隊人馬水陸並進船騎相迎拔寨都起黑旋風李逵引着鮑旭項充李袞帶領五百悍勇步軍先來出哨直到常州城下呂樞密見折了錢振鵬心下甚憂連發了三道飛報文書去蘇州三大王方貌處求救一面寫表申奏朝廷又聽得報

道城下有五百步軍打城認旗上寫道為頭的是黑旋風六十四呂樞密道這廝是梁山泊第一箇兇徒慣殺人的好漢誰敢與我先去拿他帳前轉過兩個得勝獲功的統制官高可立張近仁呂樞密道你兩箇若拿得這個賊人我當一力保奏加官重賞張高二統制各綽了鎗上馬帶領一千馬步兵出城迎敵黑旋風李逵見了便把五百步軍一字兒擺開手搥兩把板斧立在陣前喪門神鮑旭伏着一口大闊板力隨於側首項充李袞兩個各人手挽着蠻牌右手拿着鐵標四箇人各披前後掩心鐵甲列於陣前高張二統制正是得勝狸貓強似虎及時鴉鵲便欺鷗統着一千軍馬靠城排開宋軍內有幾個探子却認得高可立張近仁兩箇是殺韓滔彭玘的便指與黑旋風道這箇箇領軍的便是殺俺韓彭二將軍的李逵那里聽了這說也不

打話拿起兩把板斧直搶過對陣去鮑旭見李逵殺過對陣急  
呼項充李袞舞起蠻牌便去策應四個齊心滾將過對陣高可  
立張近仁吃了一驚措手不及待回馬那兩個蠻牌早滾到  
馬領下高可立張近仁在馬上把鎗望下搠時項充李袞把牌  
迎住李逵斧起早砍翻高可立馬脚高可立擲下馬來項充叫  
道留下活的時李逵是箇好殺人的漢子那里忍耐得住早一  
斧砍下頭來鮑旭從上揪下張近仁一刀也割了頭四個在陣  
裡亂殺南軍黑旋風把高可立頭縛在腰裡輪起兩把板斧不  
問天地橫身在裡面砍殺殺得一千馬步軍退入城去也殺了  
三四百人直趕到吊橋邊李逵和鮑旭兩箇便要殺入城去項  
充李袞死當回來城上搗木砲石早打下來四箇回到陣前五  
百軍兵依原一字擺開那里敢輕動本是要來混戰怕黑旋

風不分皂白見的便砍因此不敢近前兩箇提着高張二統制  
的頭却待接去宋先鋒軍馬已到李逵鮑旭各獻首級衆將認  
的是高可立張近仁的頭都吃了一驚道如何獲得仇人首級  
兩箇說殺了許多人衆本待要捉活的來一時手痒忍耐不住  
就便殺了宋江道既有讐人首級可於白旗下望空祭祀韓彭  
二將宋江又哭了一場放倒白旗賞了李逵鮑旭項充李袞四  
人便進兵到常州城下有詩為証

苟圖富貴虎吞虎 偽取功名人殺人 清世不生鄒孟子  
就中玄妙許誰論

且說呂樞密在城中心慌便與金節許定并四箇統制官議  
退宋江之策諸將見李逵等殺了這一陣衆人都膽顫心寒不  
敢出戰問了數聲如箭穿鴈嘴鈎搭魚腮默默無言無人敢應



呂樞密心內納悶教人上城看時宋江軍馬三面圍住常州盡  
在城下搥鼓搖旗納喊拞戰呂樞密叫衆將且各上城守護衆  
將退去呂樞密自在後堂尋思無計可施喚集親隨左右心腹  
人商量自欲棄城逃走不在話下且說守將金節回到自己家  
中與其妻秦玉蘭說道如今宋先鋒圍住城池三面攻擊我等  
城中糧食缺少不經久困倘或打破城池我等那時皆為刀下  
之鬼秦玉蘭答道你素有忠孝之心歸降之意更兼原是宋朝  
舊官朝廷不曾有甚負汝不若去邪歸正擒捉呂師囊獻與宋  
先鋒便是進身之計金節道他手下見有四箇統制官各有軍  
馬許定這厮又與我不睦與呂師囊又是心腹之人我恐單絲  
不成線孤掌豈能鳴恐事未諧反惹其禍其妻道你只密密地  
寅夜修一封書緘拴在箭上射出城去和宋先鋒達知裡應外

合取城你來日出戰詐敗佯輸引誘入城便是你的功勞金節  
道賢妻此言極當依汝行之史官詩曰

金節知天欲受降 玉蘭力贊更賢良 宋家文武皆如此  
安得河山社稷亡

次日宋江領兵攻城得緊呂樞密聚衆商議金節答道常州城  
池高廣只宜守不可敵衆將且堅守等待蘇州救兵來到方可  
會合出戰呂樞密道此言極是分撥衆將應明趙毅守把東門  
沈林范疇守把北門金節守把西門許定守把南門調撥已定  
各自領兵堅守當晚金節寫了私書拴在箭上待夜深人靜在  
城上望着西門外探路軍人射將下去那軍校拾得箭矢慌忙  
報入寨裡來守西寨正將花和尚魯智深同行者武松兩箇見  
了隨即使偏將杜興賚了飛報東北門大寨裡來宋江吳用點

着明燭在帳裡議事杜興呈上金節的私書宋江看了大喜便傳令教三寨中知會次日三寨內頭領三面攻城呂樞密在敵樓上正觀見宋江陣裡轟天雷凌振扎起砲架却放了一個風火砲直飛起去正打在敵樓角上骨碌碌一聲響平塌了半邊呂樞密急走救得性命下城來催督四門守將出城退戰插了三通戰鼓大開城門放下吊橋北門沈林范疇引軍出戰宋軍中大刀關勝坐下錢振鵬的捲毛赤兔馬出於陣前與范疇交戰兩箇正待相持西門金節又引出一彪軍來搵戰宋江陣上病蔚遲孫立出馬兩個交戰聞不到三合金節詐敗撥轉馬頭便走孫立當先燕順馬麟為次魯智深武松孔明孔亮施恩杜興一簇進兵金節便退入城孫立已趕入城門邊占住西門城中開起知道大宋軍馬已從西門進城了那時百姓都被方臘

殘害不過怨氣冲天聽得宋軍入城盡出來助戰城上早豎起宋先鋒旗號范疇沈林見了城中事變急要奔入城去保全老小時左邊衝出王矮虎一丈青早把范疇捉了右邊衝出宣贊郝思文兩箇一齊向前把沈林一鎗刺下馬去衆軍活捉了尖江吳用大驅人馬入城四下里搜捉南兵盡行誅殺呂樞密引了許定自投南門而走死命奪路衆軍追趕不上自回常州聽令論功陞賞趙毅躲在百姓人家被百姓捉來獻出應明亂軍中殺死獲得首級宋江來到州治便出榜安撫百姓扶老携幼詣州拜謝宋江撫慰百姓復為良民衆將各來請功金節赴州治拜見宋江宋江親自下塔迎接金節上廳請坐金節至塔下參拜頓首謝了復為宋朝良臣此皆其妻贊成之功有詩為証  
貞靜幽閑女丈夫 心存宗社有深圖 名同魏國韓希孟

千古清風振八區

宋江教把范疇沈抃趙毅三箇陷車盛了寫道申狀就叫金節親自解赴潤州張招討中軍帳前金節領了公文監押三將前赴潤州交割比及去時宋江已自先叫神行太保戴宗賈飛報文書保舉金節到中軍了張招討見宋江申覆金節如此忠義後金節到潤州張招討使人接入城中見了金節大喜賞賜金節金銀段匹鞍馬酒禮有副都督劉光世就留了金節陸做行軍都統留於軍前聽用後來金節跟隨劉光世破大金兀朮四太子多立功勞直做到親軍指揮使至中山陣亡這是金節的結果有詩爲証

金節歸降世罕儔

也知天命有歌謳

封侯享壽心無懼

忠盡今從史筆收

當日張招討劉都督賞了金節把三箇賊人碎屍萬段梟令示衆隨即使人來常州犒勞宋先鋒軍馬且說宋江在常州屯駐軍馬使戴宗去宣州湖州盧先鋒處飛報調兵消息一面又有探馬報來說呂樞密逃回在無錫縣又會合蘇州救軍正欲前未迎敵宋江聞知便調馬軍步軍正偏將佐十員頭領撥與軍兵一萬望南迎敵那十員將佐關勝秦明朱全李應魯智深武松李逵鮑旭項充李袞當下關勝等領起前部軍兵人馬與同衆將辭了宋先鋒離城去了且說戴宗探聽宣湖二州進兵的消息與同柴進回見宋江報說副先鋒盧俊義得了宣州特使柴大官人到來報捷宋江甚喜柴進到州治叅拜已了宋江把了接風酒同入後堂坐下動問盧先鋒破宣州備細緣由柴進將出申達文書與宋江看了備說打宣州一事方臘部下鎮守

宣州經畧使家余慶手下統制官六員都是歙州睦州人氏那  
六人李韶韓明杜敬臣魯安潘濬程勝祖宣州經畧家余慶當  
日分調六箇統制做三路出城對陣俺這盧先鋒也分三路軍  
兵迎敵中間是呼延灼和李韶交戰董平共韓明相持戰到十  
合韓明被董平兩鎗刺死中路軍馬大敗左軍是林冲和杜敬  
臣交戰索超與魯安相持林冲蛇矛刺死杜敬臣索超斧劈死  
魯安右軍是張清和潘濬交戰穆弘共程勝祖相持張清一石  
子打下潘濬打虎將李忠趕出去殺了程勝祖棄馬逃回此日  
連勝四將賊兵退入城去盧先鋒急驅衆將奪城趕到門邊不  
隄防賊兵城上飛下一片磨扇來打死俺一箇偏將城上箭如  
雨點一般射下來那箭矢都有毒藥射中俺兩箇偏將比及到  
寨俱各身死盧先鋒因見折了三將連夜攻城守東門賊將不  
緊因此得了宣州亂軍中殺死了李韶家余慶領了些敗殘軍  
兵望湖州去了程勝祖自陣上不知去向磨扇打死了白面郎  
君鄭天壽兩箇中藥箭的是操刀鬼曹正霍閃婆王定六宋江  
聽得又折了三箇兄弟大哭一聲默然倒地只見面皮黃唇口  
紫指甲青眼無光未知五臟如何先見四肢不舉正是花開又  
被風吹落月皎那堪雲霧遮畢竟宋江昏暈倒了性命如何且  
聽下回分解

此一回內折了五員將佐

韓滔

彭玘

鄭天壽

曹正

王定六

患病寄留丹徒縣一員將佐

楊志

忠義水滸傳卷之九十三

施耐菴集撰

羅貫中纂修

第九十三回

混江龍太湖小結義

宋公明蘇州大會坡

詩曰

不識存亡妄逞能 吉凶禍福並肩行 只知武士戡離亂  
未許將軍見太平 自課赤心無諂屈 豈知天道不昭明  
韓彭功業人難辨 狡兔身亡獵犬烹

話說當下眾將救起宋江半晌方纔甦醒對吳用等說道我們  
今番必然收伏不得方臘了自從渡江以來如此不利連連損  
折了我八箇弟兄吳用勸道主帥休說此言已懈軍心當初破

大遼之時大小完全回京皆是天數今番折了兄弟們此是各人壽數眼見得渡江以來連得了三箇大郡潤州常州宣州此乃皆是天子洪福齊天主將之虎威如何不利先鋒何故自喪志氣宋江道軍師言之極當雖然天數將盡我想一百八人上應列宿又合天文所載兄弟們過如手足之親今日聽了這般凶信不由我不傷心吳用再勸道主將請休煩惱勿傷貴體且請理會調兵接應攻打無錫縣宋江道留下柴大官人與我做伴別寫軍帖使戴院長與我送去回覆盧先鋒着令進兵攻打湖州早至杭州聚會吳用教裴宣寫了軍帖回覆使戴宗往宣州去了不在話下却說呂師囊引着許定逃回至無錫縣正迎着蘇州三大王蒞來救應軍兵為頭是六軍指揮使衛忠帶十數箇牙將引兵一萬來救常州合兵一處守住無錫縣呂樞密

訴說金節獻城一事衛忠道樞密寬心小將必然再要恢復常州只見探馬報道宋軍至近早作准備衛忠便引兵上馬出北門外迎敵早見宋兵軍馬勢大為頭是黑旋風李逵引着鮑旭項充李袞當先直殺過來衛忠力怯難加軍馬不曾擺成行列大敗而走急退入無錫縣時四個早隨馬後入縣治呂樞密便遶南門而走關勝引着兵馬已奪了無錫縣四下里放起火來衛忠許定亦望南門走了都回蘇州去了關勝等得了縣治便差人飛報宋先鋒宋江與眾頭領都到無錫縣使出榜安撫了本處百姓復為良民引大隊軍馬都屯駐在本縣却使人申請張劉二總兵鎮守常州且說呂樞密會同衛忠許定三箇引了敗殘軍馬遶蘇州城來告三大王方貌求救訴說宋軍勢大迎敵不住兵馬席捲而來以致失陷城池三大王大怒喝令武士

推轉呂樞密斬訖報來衛忠等告說宋江部下軍將皆是慣戰  
兵馬多有勇烈好漢了得的人更兼步卒都是梁山泊小嘍囉  
多曾慣聞因此難敵方貌道權且寄下你項上一刀與你五千  
軍馬首先出哨我自分撥大將隨後便來策應呂師囊拜謝了  
全身披掛手執丈八蛇矛上馬引軍首先出城却說三大王方  
貌聚集手下八員戰將名為八驃騎一箇箇都是身長力壯武  
藝精熟的人那八員

飛龍大將軍劉贊

飛虎大將軍張威

飛熊大將軍徐方

飛豹大將軍郭世廣

飛天大將軍鄔福

飛雲大將軍苟正

飛山大將軍甄誠

飛水大將軍昌盛

當下三大王方貌親自披掛手持方天畫戟上馬出陣監督中  
軍人馬前來交戰馬前擺列着那八員大將背後整整齊齊有

三二十箇副將引五萬南兵人馬出閭闔門來迎敵宋軍前部  
呂師囊引着衛忠許定已過寒山寺了望無錫縣而來宋江已  
使人探知盡引許多正偏將佐把軍馬調出無錫縣前進十里  
餘路兩軍相遇旗鼓相望各列成陣勢呂師囊忿那口氣躍坐  
下馬橫手中矛親自出陣要與宋江交戰有詩為証

頭帶茜紅巾

身披錦戰袍

內穿黃金甲

外繫彩絨絛

馬振銅鈴響

身騰殺氣高

乾坤無敵手

當陣逞英豪

宋江在門旗下見了回頭問道誰人敢拿此賊說猶未了金鎗  
手徐寧挺起手中金鎗驟坐下馬出到陣前便和呂樞密交戰  
二將交鋒左右助喊約戰了二十餘合呂師囊露出破綻來被  
徐寧肋下刺着一鎗搦下馬去兩軍一齊納喊黑旋风李逵手  
揮雙斧喪門神鮑旭挺仗飛刀項充李袞各舞鎗牌殺過對陣

來南兵大亂宋江驅兵趕殺正迎着方貌大隊人馬兩邊各把  
弓箭射住陣脚各列成陣勢南軍陣上一字擺開八將方貌在  
中軍聽得說殺了呂樞密心中大怒便橫戟出馬來大罵宋江  
道量你等只是梁山泊一夥打家劫舍的草賊宋朝合敗計你  
為先鋒領兵侵入吾地我今直把你誅盡殺絕方纔罷兵宋江  
在馬上指道你這厮只是睦州一夥村夫量你有甚福祿妄要  
圖王霸業不如及早投降免汝一死天兵到此由自巧言抗拒  
我若不把你殺盡誓不回軍方貌喝道且休與你論口我手下  
有八員猛將在此你敢撥八箇出來廝殺麼有詩為証

兵知虛實方為得 將識存亡始是賢 方貌兩端俱不省  
冥驅八將向軍前

宋江笑道若是我兩個併你一個也不算好漢你使八個出來

我使八員首將和你比試本事便見輸贏但是殺下馬的各自  
擡回本陣不許暗箭傷人亦不許搶擄屍首如若不見輸贏不  
得混戰明日再約廝殺方貌聽了便叫八將出來各執兵器驟  
馬向前宋江道諸將相讓馬軍出戰說言未絕八將齊出那八  
人關勝花榮徐寧秦明朱仝黃信孫立郝思文宋江陣內門旗  
開處左右兩邊分出八員首將齊齊驟馬直臨陣上兩軍中花  
腔鼓搥雜彩旗搖各家放了一箇號砲兩軍助着喊聲十六騎  
馬齊出各自尋着敵手捉對兒廝殺那十六員將佐如何見得  
尋着敵手配合交鋒關勝戰劉贊秦明戰張威花榮戰徐方徐  
寧戰鄔福朱仝戰苟正黃信戰鄭世廣孫立戰甄誠郝思文戰  
昌盛兩陣上主帥立了信約十六員大將交鋒廝殺真乃是堪  
描堪畫但見



征塵迷鉄甲殺氣罩銀盔綉旗風擺團花駿馬烟籠金鞞英  
雄關勝舞青龍刀直透劉贊猛健徐寧挺金鎗勇衝鄔福節  
級朱仝逢苟正鉄鞭孫立遇甄誠秦明使棍戰張威郭世廣  
正當黃信徐方舉擗開花榮架隔難收昌盛橫刀敵思文遮  
攔不住

這一十六員猛將各人都是英雄用心相敵聞到三十合之上  
數中一將翻身落馬贏得的是誰美髯公朱仝一鎗把苟正刺  
下馬來兩陣上各自鳴金收軍七對將軍分開兩下各回本陣  
三大王方貌見拆了一員大將尋思不利引兵退回蘇州城內  
宋江當日催趲軍馬直近寒山寺下寨陞賞朱仝徐寧寫了軍  
狀申覆張招討不在話下且說三大王方貌退兵入城堅守不  
出分調諸將守把各門深栽鹿角城上列着踏弩硬弓擗木砲

石窩鋪內鎔煎金汁女牆邊堆築灰瓶準備牢守城池次日宋  
江見南兵不出引了花榮徐寧黃信孫立帶領三十餘騎馬軍  
前來看城見蘇州城郭一週遭都是水港環繞牆垣堅固想道  
急不能勾打得城破回到寨中和吳用計議攻城之策有人報  
道水軍頭領正將李俊從江陰來見主將宋江教請入帳中見  
了李俊宋江便問沿海消息李俊答道自從撲領水軍一同石  
秀等殺至江陰太倉塩海等處守將嚴勇副將李玉部領水軍  
船隻出戰交鋒嚴勇在船上被阮小二一鎗擗下水去李玉已  
被亂箭射死因此得了江陰太倉即目石秀張橫張順去取嘉  
定三阮去取常熟小弟特來報捷宋江見說大喜賞賜了李俊  
着令自往常州去見張劉二招討投下申狀且說這李俊徑投  
常州來見了張招討劉都督備說收復了江陰太倉海島去處

殺了賊將嚴勇李玉張招討給與了賞賜令回宋先鋒處聽調  
李俊回到寒山寺寨中來見宋先鋒宋江因見蘇州城外水面  
空闊必用水軍船隻廝殺因此就留下李俊教整點船隻准備  
行事李俊說道容俊去看水面闊狹如何用兵却作道理宋江  
道是李俊去了兩日回來說道此城正南上相近太湖兄弟欲  
得備舟一隻投宜興小港私入太湖裡去出吳江探聽南邊消  
息然後可以進兵四面夾攻方可得破宋江道賢弟此言極當  
正合吾意只是沒有副手與你同去隨即便撥李大官人帶同  
孔明孔亮施恩杜興四箇去江陰太倉崑山常熟嘉定等處協  
助水軍收復沿海縣治便可替回童威童猛來幫助李俊行事  
李俊領了軍帖辭別宋江引四員偏將投江陰去了不過兩日  
童威童猛回來參見宋先鋒宋江撫慰了就叫隨從李俊乘駕  
小船前去探聽南邊消息且說李俊帶了童威童猛駕起一葉  
扁舟兩箇水手搖櫓五個人迤逦宜興小港裡去盤旋直入太  
湖中來看那太湖時果然水天空闊萬頃一碧但見

天連遠水水接遙天高低水影無塵上下天光一色雙雙野  
鷺飛來點破碧琉璃兩兩輕鷗驚起衝開青翡翠春光淡蕩  
溶溶波皺魚鱗夏雨滂沱滾滾浪翻銀屋秋塘皎潔金蛇遊  
走波瀾冬雪紛飛玉洞瀰漫天地混沌鑿開元氣窟馮夷獨  
占水晶宮仙子時時飛寶劍聖僧夜夜伏驪龍又有詩為証  
溶溶漾漾白鷗飛 綠淨春深好染衣 南去北來人自老  
夕陽常送釣船歸

當下李俊和童威童猛并兩個水手駕着一葉小船迤逦太湖  
漸近吳江遠遠望見一派魚艇約有四五十隻李俊道我等只

做買魚去那里打聽一遭五個人一迳搖到那打魚船邊李俊問道漁翁有大鯉魚麼漁人道你們要大鯉魚隨我家裡去賣與你李俊搖着船眼那幾隻魚船去沒多時漸漸到一箇處所看時團團一遭都是駝腰柳樹籬落中有二十餘家那漁人先把舡來纜了隨即引李俊童威童猛三人上岸到一個莊院裡一脚入得莊門那人嘔了一聲兩邊攢出七八條大漢都拿着撓鈎把李俊三人一齊搭住迳投入莊裡去不問事情便把三人都綁在椿木上李俊把眼看時只見草廳上坐着四箇好漢為頭那箇赤鬚黃髮穿着領青紬襖第二箇瘦長短髯穿着一領黑綠盤領木綿衫第三箇黑面長鬚第四箇骨臉闊腮扇圈鬚鬚兩箇都一般穿着領青納襖子頭上各帶黑毡笠兒身邊都倚着軍器為頭那個喝問李俊道你等這廝們都是那里

人氏米我這湖泊裡做甚麼李俊應道俺是揚州人來這里做客特來買魚那第四箇骨臉的道哥哥休問他眼見得是細作了只顧與我取他心肝來吃酒李俊聽得這話尋思道我在潯陽江上做了許多年私商梁山泊內又粧了幾年的好漢却不想今日結果性命在這里罷罷嘆了口氣看着童威童猛道今日是我連累了兄弟兩個做鬼也只是一處去童威童猛道哥哥休說這話我們便死也勾了只是死在這里埋沒了兄長六名三面廝覷着腆起胃脯受死那四個好漢却看了他們三個說了一回互相廝覷道這個為頭的人必不是以下之人那為頭的好漢又問道你三個正是何等樣人可通個姓名教我

們知道李俊又應道你們要殺便殺我等姓名至死也不說與你枉惹的好漢們恥笑那為頭的見說了這話想這三人必是

好漢便跳起來把刀都割斷了繩索放起這三個人來四個漁人都扶他至屋內請坐為頭那個納頭便拜說道我等做了一世強人不曾見你這般好義氣人物好漢三位老兄正是何處人氏願聞大名姓字李俊道眼見得你四位大哥必是箇好漢了便說與你隨你們拿我三箇那里去我三箇是梁山泊宋公明手下副將混江龍李俊的便是這兩箇兄弟一箇是出洞蛟童威一個是翻江蜃童猛今來受了朝廷招安新破大遼班師回京又奉勅命來收方臘你若方臘手下人員便解我三人去請賞休想我們掙扎那四箇聽罷納頭便拜齊齊跪道有眼不識泰山却纔甚是冒瀆休怪休怪俺四個弟兄非是方臘手下賊兵原舊都在綠林叢中討衣吃飯今來尋得這個去處地名喚做榆柳莊四下裡都是深港非船莫能進俺四箇只着打

魚的做眼太湖裡面尋些衣食近來一冬都學得些水勢因此無人敢來侵傍俺們也久聞你梁山泊宋公明招集天下好漢并兄長大名亦聞有個浪裡白跳張順不想今日得遇哥哥李俊道張順是我弟兄亦做同班水軍頭領見在江陰地面收捕賊人改日同他來却和你們相會願求你等四位大名為頭那一箇道小弟們因在綠林叢中走都有異名哥哥勿喚小弟是赤鬚龍費保一箇是捲毛虎倪雲一箇是太湖蛟卜青一個是瘦臉熊狄成李俊聽說了四箇姓名大喜道列位從此不必相疑你豈不聞唐朝國子博士李步夜泊被盜贈之以詩今錄與公輩一看詩曰

暮雨蕭蕭江上村 綠林豪客偶知聞  
相逢不用頻猜忌 游宦而今半是君

俺哥哥宋公明見做收方臘正先鋒即目要取蘇州不得次第  
特差我三箇來探路今既得遇你四位好漢可隨我去見俺先  
鋒都保你們做官待收了方臘朝廷陞用費保道容覆若是我  
四個要做官時方臘手下也得箇統制做了多時所以不願為  
官只求快活若是哥哥要我四人幫助時水裡水裡去火裡火  
裡去若說保我做官時其實不要李俊道既是恁地我等只就  
這裡結義為兄弟如何四個好漢見說大喜便叫宰了一口猪  
一腔羊致酒設席結拜李俊為兄李俊叫童威童猛都結義了  
七個人在榆柳庄上商議說宋公明要取蘇州一事方貌又不  
肯出戰城池四面是水無路可攻舟船港夾難以進敵似此怎  
得城子破費保道哥哥且寬心住兩日杭州不時間有方臘手  
下人來蘇州公幹可以乘勢智取城郭小弟使幾個打魚的去

細聽石還有入平時便定計策李俊道此言極妙費保便喚  
箇漁人先行去了自同李俊每日在江上飲酒把酒住了兩  
三日只見打魚的回來報道平望鎮上有一百餘隻漁船隻  
尾上都插着黃旗旗上寫着承告二府衣甲取見的是杭州解  
東的軍隻船上只有五七人李俊道既有這個機會萬望兄弟不  
們助以費保道只今便往李俊道但若是那船上走了一個其  
計不備了費保道哥哥放心都在兄弟身上隨即聚集六七十  
隻打魚小船七籌好漢各坐一隻其餘都是漁人各藏了暗器  
盡從小港透入大江四散接將去當夜星月滿天那十隻官船  
都灣在江東龍王廟前費保船先到忽起一聲號哨六七十隻  
魚船一齊攏來各自幫住大船那官船裡人急鑽出來早被撓  
鈎搭住三箇五箇做一串兒縛了及至跳得下水的都被撓鈎

搭上船來盡把小船帶住官船都移入太湖深處直到榆柳莊時已是四更天氣開雜之人都縛做一串把大石頭墜定拋在太湖裡滄死投得兩箇為頭的來問時原來是守把杭州方臘大太子南安王方天定手下庫官特奉令旨押送新造完鉄甲三千副解赴蘇州三大王方貌處交割李俊問了姓名要了一應關防文書也把兩個庫官殺了李俊道須是我親自去和哥哥商議方可行此一件事費保道我着人把舡渡哥哥從小港裡稍到軍前覺近便就叫兩箇漁人搖一隻快船送出去李俊分付童威童猛并費保等且教把衣甲舡隻悄悄藏在莊後港內休得吃人知覺了費保道無事自來打併舡隻却說李俊和兩箇漁人駕起一葉快船迳取小港稍到軍前寒山寺上岸來至寨中見了宋先鋒備說前事吳用聽了大喜道若是如此蘇

州唾手可得便請主將傳令就差李逵鮑旭項充李袞帶領衝陣牌手二百人跟隨李俊回太湖莊上與費保等四位好漢如此行計約在第二日進發李俊領了軍令帶同一行人直到太湖邊來三箇先過湖去却把舡隻接取李逵等一千人都到榆柳莊上李俊引着李逵鮑旭項充李袞四個和費保等相見了費保看見李逵這般相貌都皆駭然邀取二百餘人在莊上致備酒食相待到第三日衆人商議定了費保扮做解衣甲正庫官倪雲扮做副使都穿了南官的號衣將帶了一應關防文書衆漁人都裝做官船上稍公水手却藏黑旋風等二百餘人將校在舡艙裡卜青狄成押着後舡都帶了放火的器械却欲要行動只見漁人又來報道湖面上有一隻舡在那里搖去李俊道又來作怪急急自去看時舡頭上立着兩個人看來却

是神行太保戴宗和轟天雷凌振李俊忽了一聲號哨那隻舡飛也似連來莊上到得岸邊上岸來都相見了李俊問二位何來甚事見報戴宗道哥哥急急使李逵來了正忘却一件大事特地差我與凌振賁一百號砲在船裡湖面上尋趕不上這里又不敢攏來傍岸教兄弟明早卯時進城到得裡面便放這一百箇火砲為號李俊道最好便就船裡搬過砲籠砲架來都藏埋衣甲船內費保等聞知是戴宗又致酒設席管待凌振帶來十箇砲手都埋伏擺在第三隻船內有詩為証

攻城無計正憂心 忽有漁郎送好音 殺却庫官施妙術

蘇州城郭等閑侵

當夜四更離莊望蘇州來五更已後到得城下守門軍士在城上望見是南國旗號慌忙報知官門大將却是飛豹大將軍

世廣親自上城來問了小校備細接取關防文書吊上城來看了郭世廣使人賁至三大王府裡辯看了來文又差人來監視却纔教放入城門郭世廣直在水門邊坐地再叫人下船看時滿滿地堆着鉄甲號衣因此一隻隻都放入城去放過十隻船了便關水門三大王差來的監視官員引着五百軍在岸上跟定便着灣住了船李逵鮑旭項充李袞從船艙裡鑽出來監視官見了四箇人形容醜惡急待問是甚人時項充李袞早舞起團牌飛出一把刀來把監視官剝下馬去那五百軍欲待上舡被李逵掣起雙斧早跳在岸上一連砍翻十數個那五百軍人都走了船裡眾好漢并牌手二百餘人一齊上岸便放起火來凌振就岸邊撒開砲架搬出號砲連放了十數個那砲震得城樓也動四下里打將入去三大王方貌正在府中計議聽的火

砲接連響驚的魂不附體各門守將聽得城中砲響不絕各引兵遶城中來各門飛報南軍都被冷箭射死宋軍已上城了蘇州城內鼎沸起來正不知多少宋軍入城黑旋風李逵和鮑旭引着兩個牌手在城裡橫衝直撞追殺南兵李俊戴宗引着費保四人護持凌振只顧放砲宋江已調三路軍將取城宋兵人馬殺入城來南軍漫散各自逃生且說三大王方貌急急披掛上馬引了五七百鐵甲軍奪路待要殺出南門不想正撞見黑旋風李逵這一夥殺得鐵甲軍東西亂攔四散遶走小巷裡又撞出魯智深輪起鉄禅杖打將來方貌抵當不住獨自躍馬再回府來烏鵲橋下轉出武松趕上一刀略斷了馬脚方貌倒攔將下來被武松再復一刀砍了提首級送來中軍叅見先鋒請功此時宋江已進城中王府坐下令諸將各自去城裡搜殺南

軍盡皆捉獲單只走了劉贊一箇領了些敗殘軍兵投秀州去了有詩為証

神器從來不可干 僭王稱號詎能安 武松立馬誅方貌 苗與奸臣做樣看

宋江到王府坐下便傳下號令休教殺害良民百姓一面教救滅了四下里火便出安民文榜曉諭軍民次後聚集諸將到府請功已知武松殺了方貌朱仝生擒徐方史進生擒了甄誠孫立鞭打死張威李俊鎗刺死昌盛樊端殺死鄔福宣贊和郭世廣鏖戰你我相傷都死於飲馬橋下其餘都擒得牙將解來請功宋江見拆了醜郡馬宣贊傷悼不已便使人安排花棺彩擲迎去虎丘山下殯葬把方貌首級并徐方甄誠解赴常州張招討軍前施行張招討就将徐方甄誠碎剮于市方貌首級解赴



京師回將許多賞賜來蘇州給散眾將張招討移文申狀請劉光世鎮守蘇州却令宋先鋒沿便進兵收捕賊寇只見探馬報道劉都督耿叅謀來守蘇州當日眾將都跟着宋先鋒迎接劉光世等官入城王府安下叅賀已了宋江眾將自来州治議事使人去探沿海水軍頭領消息如何却早報說沿海諸處縣治聽得蘇州已破群賊各自逃散海僻縣道盡皆平靜了宋江大喜申達文書到中軍報捷請張招討曉諭舊官復職另撥中軍統制前去各處守禦安民退回水軍頭領正偏將佐來蘇州調用數日之間統制等官各自分投去了水軍頭領都回蘇州訪說三阮打常熟拆了施恩又去攻取崑山拆了孔亮石秀李應等盡皆回了施恩孔亮不識水性一時落水俱被滄死宋江見又拆了三將心中大憂嗟嘆不已費保等四人來辭宋先鋒要回去宋江堅意相留不肯重賞了四人再令李俊送費保等回榆柳莊去李俊當時又和童威童猛送費保四人到榆柳莊上費保等又治酒設席相款飲酒中間費保起身與李俊把盞說出幾句言語來有分教李俊名聞海外聲播寰中去作化外國王不犯中原之境正是了身達命蟾離殼立業成名魚化龍畢竟費保與李俊說出甚言語來且聽下回分解

此一回內拆了三員將佐

宣贊

施恩

孔亮